



宋元詩會卷之二十二

皖桐陳

焯然公輯送

後學程

任松皋參較

蘇轍

字子由年十九與兄軾同登進士科又同策制舉轍極言
 得失於某廷之事七為切至考官胡宿以為不遜請黜之
 仁宗曰以直言召人而以直棄之天下其謂我何宰相不
 得已寘之下等授商州軍事推官改大名推官神宗立轍
 上書言事召對延和殿王安石出青苗書使轍熟議曰有
 不便以告勿疑開陳婉切安石頗領之自此逾月不言
 青苗會河會轉運判官王廣兼迎合安石意奏請本錢私
 試其法於陝西自是青苗遂行不復能止轍移書安石力
 爭之大忤其意賴陳升之解救得為河南推官歷教授陳
 州掌齊州書記簽判南京坐兄軾以詩得罪謫監筠州酒
 稅移知績溪縣哲宗立以秘書省校書郎召擢右司諫力
 排邪正並用之說拜去任人遷中舍進戶部侍郎代兄軾
 為翰林學士權吏部尚書使朔方還為御史中丞拜尚書
 右丞進門下侍郎紹聖初李清臣等進用復言熙豐事激
 怒哲宗落職知汝州再責知袁州未至降少府監任筠州
 三年責化州別駕安置雷州移循州轍宗即位徙永州岳
 州復大中大夫提舉鳳翔太平宮罷祠居許州再復大中
 大夫致仕政和二年卒年七十四追復端平殿學士謚文

定

張恕寺丞益齋

人生不讀書空洞一無有美君常齋居散帙滿前後開編試尋
繹閱歲行自富從橫畫圖出次第宮商奏汪洋畜江河渺莽包
林藪興亡數千歲絡繹皆在口顧念今所知頗覺前日陋我家
亦多書早歲嘗竊叩晨最耕掛牛角夜燭借隣牖年經謝賓客客饑
坐失昏晝堆胸稍喘屈落筆逢左右樂如聽鈞天醉劇飲醇酎
自從厭蓬華誤逐功名誘初心一漂蕩舊學皆榛莠失足難遽
回撫卷長自詎幸君無事年謂可終身守春耕不厭深秋獲當
自受金玉或為災詩書豈相負

過九華山

南遷私自喜看盡江南山孤舟少僮僕此志還復難局促守破
牕睽翩過重巒忽驚九華峰高拱立我前蕭然九仙人縹緲凌
雲烟碧霞為衣裳首冠青瑯玕揮手謝世人可望不可攀我行
竟草草安能拍其肩但聳有高士卧聽松風眠松根得茯苓壯
若干歲齏煮食一朝盡終身棄腥羶腹背生綠毛輕舉如翔鸞
相逢欲借問已在長松端

同孔常父作張夫人詩

女子勿言弱男兒何必強君看張夫人身舉十五喪頭上脫笄
珥篋中斥襦裳築墳連丘山松栢鬱蒼蒼親戚不為助涕泣感
道傍昔有王氏老身為尚書郎親死棄不葬簪裾日翱翔白骨委
廬陵宦遊狂岐陽一旦有丈夫軒軒類佯狂相面識心腹開
口言災祥嗟汝平生事不了令誰當汝身暖絳綿汝口甘稻梁衣
食未嘗廢此事乃可忘一言中肝心投身拜其牀傍人漫不

知相視空茫茫終言汝不悛物理久必償兒女病手足相隨就
淪亡鄙夫本愚悍過耳風吹墻明年及前期長子憂肝癆一麾
守巴峽雙樞還故鄉弱息雖僅存蹒跚亦非良誰言天地寬網
目固自張古事遠不信近事世所詳企張非求福禍敗當懲王
桐軒

和子瞻記夢

兄從南山來夢我南山下探懷出詩卷卷卷盈君把詩詞古人
似弟則吾弟也相與千里隔安得千里馬攜手上南山不知今
乃夜晨鷄隔牆唱敲枕隄月亞百語記一詞秋菊悲蛩吐此語

鮑謝流平日我不暇我本無此詩嗟此誰所俗

舟中聽琴

江流浩浩羣動息琴聲琅琅中夜鳴水深天濶音響遠仰視牛斗
皆縱橫昔有至人愛奇曲學之三歲終無成一朝隨師過滄海
畱置絕島不復迎終年見怪心自感海水震掉魚龍驚翻回蕩
瀟有遺韻琴意忽忽從此生師來迎笑問所得撫手無言心已
明世人囂囂好然竹撞鐘擊鼓浪謂榮安知江琴韻超絕擺耳大
笑不肯聽

巫山廟

山中廟堂古神女楚巫婆娑奏歌舞空山日落悲風吹舉手睢
盱道神語神仙潔清非世人九盞傾醪薦麋脯子知神君竟何
自西方真人古王母飄然乘風遊九州揭渡西海簿中土白雲

為車駕蒼虬驟乘湘君宓妃御天孫織綃素非素衣裳飄飄簿
 烟霧泊冲虛眇無營朝餐屑玉燕瓊乳下視人世安可據超
 江乘山無所巫山之下江流清偶然愛之不能去湍崖激作相
 相喧唳白花翻翻龍正怒堯使大禹導九州石隕山隊幾折股
 山前恐懼久無措稽首山下苦求助丹書玉笈世莫窺指示文
 字相爾汝擘山洩江幸無苦庶辰虞余實相禹功成事定世莫
 知空山俄頃千萬古

遊城西集慶園

送客城西客已遠歸路北池接南苑冰漸片斷水光浮柳綠如
 柔風力軟繚牆朱戶誰家園流水平畦春日淺禁河分溜一池
 足洛圃移花百金賤飛費斤斧聲未絕翠栢栽培影初遍傍人
 笑指高抬處前年適見荒榛滿金錢力奪天地功歲月未多風

物換人生富貴無不成都門坐置山林觀暖風遲日時一到早
 出莫歸應未晚主人最貴稀出城長使憧憧路人看

司馬君實端明獨樂園

子磋丘中親藝麻邵平東陵親種瓜公今東去事農圃亦種洛
 陽千本花修篁遠屋韻寒玉平泉入畦紆卧蛇錦屏奇種斲巖
 竇高高靈藥移萌芽城中三月花事起肩輿遍入公侯家淺紅
 深紫相媚好重樓多葉爭矜誇一枝盈尺不論價十千斗酒那
 須賒歸來曳履苔徑滑醉倒閉門春日斜

王詵都尉寶繪堂詞

侯家玉食繡羅裳彈絲吹竹喧洞房哀歌妙舞奉清觴白日一
 醉萬事忘百年將種存慨慷西取庸蜀踐戎場戰袍賜錦盤鵬
 章寶刀玉玦餘風霜功臣子孫白哲長朱門甲第臨康莊生長

介胃羞膏梁四方賓客坐華堂何用為樂非笙簧錦囊犀軸唯
 象林竿又連幅翻雲光手披橫素風揚長林巨石挿雕梁之清
 江白浪吹粉墻異花没骨朝露香徐熙西花落筆縱橫其子變
 格以五色染就不見筆迹謂
 之没 擊禽猛獸舌齧張騰踏驀裏睽驕噴振風雨馳平岡前
 數顧陸後吳王老成雖喪存典常坐客不識視茫洋卷舒終日
 未用忙遊意淡泊心清涼

中秋見月寄子瞻

西風吹暑天益高明月耿耿分秋毫彭城閉門青嶂合卧聽百
 步鳴飛濤使君携客登燕子月色看人冷如水筵前不設鼓與
 鍾處處笛聲相應起浮雲卷盡流金丸戲馬臺西山鬱蟠懷中
 深酒一時盡衣上白露三更寒

湖陰曲

老虎穴中卧獵夫不敢窺驛驕服箱駝盜驪巡城三匝漫不知
 帳中晝夢日繞壁驚起知是黃鬚兒馬鞭七寶留道左猛士徘徊
 不能過遺矢蜚空去已遠明神兵下赤霄荒城至今人不住
 狐兔驚走風蕭蕭

贈方子明道人

水銀成銀利倍千斤丹砂為金世無對此人新術不肯傳閭戶注
 墻畏天戒今子何為與我言人生貧富寧非天鉗鎚素籥枉心
 力鑿鑿布被隨因緣我來江西晚聳道一言契我心所好廓然
 正若大虛空平生伎倆都除掃子言舊事淨慈師未斷有為非
 淨慈此術要將救饑耳人人有命何憂饑

大秦寺

大秦遙可說高處見秦川草木埋深谷牛羊散晚田山平堪種

麥僧魯不求禪北望長安市高城遠似烟

和北都偶成二首

天寶亂已定河壖兵更多故壘埋白骨遺俗喜長戈卧獸常思
肉奔鯨不受羅縱橫竟安狂唯見豕嗟峨

禁籞封金殿清河貫石門時平餘古木兵散有空屯形勝山圍
潤蕃宣海內尊川原不論頃雲夢可勝吞

將出洛城過廣愛寺二首

寺古依喬木僧閒正莫年為生何寂寞愛客尚留連虛牖羅修
竹空厨響細泉坐聽談舊事遍識洛中賢

虛室無尋丈青山有百層迴峰看不足危石恐將崩聽法來天
女依巖老梵僧須彌傳納芥觀此信還曾

送董揚休比部知真州

奏課西南最分符江海衝往來觀惠術蟠錯試餘鋒文字從唯
案樽壘強解容金山只隔水時復聽晨鐘

寒食遊南湖二首

遠郭春水滿被堤新柳黃官池無禁約野艇得飛揚浪泛歌聲
遠花浮酒氣香晚風歸櫂急細雨濕紅粧

携手臨池路時逢賣酒壚柳斜低繫纜草偃綠侵壺波蕩春心
起風吹酒力無冠裳強包裹半醉遣誰扶

覽輝亭

城裏最高處坡陀見一城山多來有緒江遠靜無聲歌吹風前
度樓臺雨後明風光同楚蜀聊此慰平生

庾樓

元規多逸興上客有殷生夜半酒將罷公來坐不驚舞翻江月

迥談落塵毛輕塵世風流盡高樓空此名

題方子明道人東牕

閉門何所事毛髮日青青齒折登山屐塵生貫酒瓶調心開貝
葉救病讀僂經定起無人見寒燈一點星

留滯高安四年有餘忽得信聳當除官真揚間偶成小詩

書于屋壁

數間茅屋久蹉跎四見秋風入薜蘿北擢偶然追雁羽南公誰
復伴漁蓑三年賈傳驚吾老九歲劉郎愧爾多此去仍家江海
上不妨一葉弄清波

送張恕朝奉南京簽判

焚蟹吳柑初著霜梁園官酒試羔羊老如計相非無齒清似留
侯未却擢杖履稍通賓客過散蔬要遣子孫嘗詔書委曲如公

意幕府新除朱紱郎

石鼻城

千山欲盡垂為鼻百戰皆空但有城虎闖穴中秦地恐龍飛渭
上漢江傾雍人未有章邯怨魏將猶存仲達情睥睨晚陵遲春草
滿白羊無數向風鳴

樓觀

老聃歷世^原人流沙飄蕩如雲不可遮弟子憐^師將去國關門望氣
氣載還家高臺尚有傳經處西壁空留駕犢車一投遺書無復
老不知何苦服胡麻

此觀尹喜舊宅神仙傳言尹喜於流沙之西服巨勝實

木山引水

引水穿墻接竹梢谷藏峰底大容瓢將流旋滴廬山瀑已盡還
來海上潮亂點落池驚睡覺半山含潤沃心焦瓦盆一斛何勝

滿溢去猶能浸菊苗

强君瓦亭

君為魏博三年客日有江湖萬里心
暫得野亭留馬足强修疎柳步堤陰
無人携手共吳語得意搖頭時越吟
何日東郊過微雨竝騎鞍馬去同尋

傳欽之學士濟源草堂

聳有高居直百金西山南麓北山陰
園通濟水池塘好花近洛川顏色深
人去節旄分重鎮客來猿鶴感幽吟
湟溪雨過西湖漲歸興蕭然定不任

欽之時在許州

次韻子瞻雨中督役夜宿水陸寺

雲氣連山雨馮盆莫投僧舍欲閉門
暫時洒掃寬行役終夕崎嶇入夢魂
煩熱暗消秋葦冷蒸濡未解夜燈昏
二年遊宦多勞

苦何日相從得細論

次韻有美堂歸夜

飲闌鍾虞欲移軒香霧猶殘金博山
明月飛來松嶺外遊人散落馬蹄間
城嚴画鼓初傳角路暗山花自落鬢
清境暫時都不見夜深人盡始來還

環波亭

南山迤邐人南塘北渚宮堯枕北墻
畫綠荷橋斷處忽逢朱檻水中央
鳧鷖聚散湖沈淨魚鱉浮沈花影涼
清境不知三伏熱病身唯要一藤牀

送青州簽判俞退翁致仕還湖州

不作清時事官海邦那復久盤桓
早依蓮社塵緣少新就草堂歸計安
富貴暫時朝露過江山故國水精寒
官遊從此知多

事收取楞伽靜處看

徐正權秀才城西溪亭

竹林分徑水通渠真與幽人作隱居溪上窮惟函舫城中客至
有曾魚東來只為林泉好野外從教薄領疎不識徂徠石夫子
兼因女婿覓遺書徐生石介女婿也

玉盤盃

東蘇武嘗公家園中千葉白芍藥子瞻新為此名

千葉團團一尺餘揚州絕品舊應無賞傳
嘗國遷鐘虞移憶口僧置鉢于叢底留連
傾鑿落餅中捧擁照浮屠強將絳蠟封紅
萼憔悴無言損玉膚

李公擇以惠泉答章子厚新茶

無錫銅瓶手自持新芽願渚近相思故人贈答無千里好事安
排巧一時蟹眼煎成聲未老兔毛傾看色尤宜槍旂攜到齊西

境更試城南金線奇

金線泉在齊州城南

聳王鞏還京會客劇飲戲贈

聳君歸去便招呼笑語不知清夜徂結束佳人試銀甲留連狂
客惱金吾燭花零落玉山倒詩筆敬斜翠袖扶暫醉何年依錦
瑟東齋還復卧鸞能

次韻張恕春暮

祇言城市無佳處亦有南湖幾度遊好雨晴時三月盡啼鴛到
後百花休老猿好飲常連臂野馬依人自絡頭不肯低徊池上
醉試看生滅水中漚

送張耒赴壽安尉

魏紅深淺配姚黃洛水家家自作塘遊客賈生多感慨閒官白
傳足篇章山分少室烟雲老宮廢連昌草木長路出高高應少

駐屣顏新過一番霜

九曲池

嵇老清彈怨廣陵隋家水調繼哀音可憐九曲遺聲盡惟有一
池春水深鳳閣蕭條荒草外龍舟想像綠楊陰都人似有興亡
恨每到殘春一度尋

簡寂觀

山行但覺鳥聲殊漸近神仙簡寂居門外長溪淨客足山腰苦
筍助盤蔬喬松定有藏丹處大石仍存拜斗餘弟子蒼髯年八
十養生世世受遺書

萬杉寺

萬木青杉一手栽滿堂白佛九天來仁宗初年有僧手萬杉杉
持為建此寺仍以禁中佛
賜涓涓石溜供厨足轟轟山屏遠寺開半榻松陰秋簟冷一杯

香飯午鐘催安眠飽食平生事不待山僧喚始來

白鶴觀

五老相攜欲上天玄猿白鶴盡疑仙浮雲有意藏山頂流水無
聲入稻田古木微風時起籟諸峰落日盡生烟歸鞍草草還城
市慙愧幽人正醉眠

次韻毛君病中菊未開

病肺秋深霧雨傷舊^補繪故絮喜清涼菊花金粟未曾吐桂酒鷺
兒空自黃草木未知年有閨風霜漸近月方陽得詩香示維摩
疾欲到毘耶言已忘

荅溫守李鈞見寄

梁苑相從簿領中清風相逐画船東娉娉江海凌雲鶴飲啄籠
樊失渚鴻別後丹砂選舊訣愁來白髮變衰翁此間詩老仍初

敵正憶高吟酒盞空

放榜後毛守見招

飽食安眠愧不材
疎簾翠帶幸相陪
深居正厭銀袍亂
失喜初看鐵鎖開
佳句徑蒙探古錦
小槽仍報滴新醅
諸人欲見風流伯
不用招呼亦自來

雨後遊大愚

風光四月尚春餘
淫雨初乾積潦除
古寺蕭條仍負郭
閒官疎散亦肩輿
摘茶戶外蒸黃葉
掘筍林中間綠蔬
一飽人生真易足
試營茅屋傍僧居

曾子固舍人挽詞

少年漂泊馬光祿
末路騫騰朱會稽
儒術遠追齊稷下文詞
近比漢京西平生碑版無容繼
此日銘詩誰為題
試數廬陵門下

士十年零落曉星低

和張安道讀杜集

我公才不世
晚歲道尤高
與都無著看書未覺勞
微言精老易
奇韻喜莊騷
杜叟詩篇狂唐人
氣力豪近時無
沈宋前輩蒨劉
曹天驥精神穩
層臺結構牢
龍騰非有迹
鯨轉自生濤
白也空無敵
微之豈少褒
論文開錦繡
賦命委蓬蒿
初試中書日
旋成廊時逃
妻孥隔豺虎
閑輔暗旌旄
入蜀營三徑
浮寄一艘投
人慙下舍愛
酒類東臯
漂泊終浮梗
迂疎獨釣鼃
誤身空有賦
揜脛惜無袍
卷軸今何益
零丁昔未遭
相如元並世
惠子謾臨濠
得失將誰怨
憑公付濁醪

遺老齋

久無叩門聲
啄啄問何故
田中有人至
昨夜盈尺雨

大言里中舊獨有陳太丘文若命世人惜哉憂人憂

洛陽試院樓上新晴二首

嵩少猶藏薄霧中前山迤邐夕陽紅
高樓一閉三千日遠憶巖頭種藥翁

伊闕遙臨鳳閣前龍門女兒氣蒼然
唐朝御路依稀在猶想東巡塵暗天

逍遙堂會宿二首并引

轍幼從子瞻讀書未嘗一日相舍既壯將遊宦四方讀韋蘇州詩至安知風雨夜復此對牀眠惻然感之乃相約早退為閒居之樂故子瞻始為鳳翔幕府留詩為別曰夜雨何時聽蕭瑟其後子瞻通守餘杭復移守膠西而轍滯留于淮陽濟南不見者七年熙寧十年二月始復會于澶濮之間相從來

徐留百餘日時宿于逍遙堂追感前約為二小詩記之

逍遙堂後千尋木長送中宵風雨聲
誤喜對牀尋舊約不知漂泊在彭城

秋來東閣涼如水客去山公醉似泥
困卧北窻呼不起風吹松竹雨淒淒

戲贈李朝散

江霧霏霏作雪天樽前醉倒不知寒
後堂桃李春猶晚試覓酥花子細看

代答

銀瓶瀉酒正霜天玉塵生風夜更寒
下客不辭投轄飲好花猶恐隔簾看

以茶酒送柳真公

牀頭釀酒一年餘氣味全非卓氏壚送與幽人試嘗看不應知是百花鬚

乾荔支

含露迎風惜不嘗故將赤日損容光紅消白瘦香猶狂想見當年十八娘

米芾

字元章吳人以母侍宣仁后滿郎舊恩補臨光尉歷知雍丘縣連水無為軍召為書函學博士賜對便殿上其子友仁所作楚山清曉圖擢禮部員外郎卒年四十九芾妙于翰墨尤工臨移至亂真不可辨其性癖異多有足傳笑者以此從仕數困嘗奉詔摹晉人小楷得入宣和殿觀禁內之所藏人以為寵子友仁兵部侍郎敷文閣直閣學士

秋登峴山之作

皎皎中天月團團徑千里震澤乃一水所占已過二婁羅即峴山謬云形大地地惟東吳偏山水古佳麗中有皎皎人瑤衣玉

為珥位推列仙長學與千年對幽操久獨處迢迢願招類金颺帶秋威歛逐雲檣至朝陽輿馭颺暮過光浮袂雲育有風驅蹙餐有刀利亭亭太陰宮無乃瞻星氣興深夷險一理洞軒裳偽紛紛夸俗勞坦坦忘懷易浩浩將我行蠢蠢須公起

題多景樓

欲雨氣不透庭梧有棲烟回首望北固雲藏淨名天呼童速具輿憑高覽山川隱見豈不好開霽景固全須更江風流湛湛清露圓歸途知有伴華月上丹淵

寄紹彭

蕭李駸子弟不收慰問帖妙迹固通神水火土更劫所存慰問者班班狂箱笈使惡乃神護不然無寸札自此輒函相後人眼徒攝

送王渙之彥舟

集英春殿鳴笳歌神武天臨光下徹鴻臚初唱第一聲白面王
 郎年十八神武樂育天下造不使敵枰使傳道衣錦東南第一
 州棘壁湖山雨清照襄陽野老漁竿客不愛紛華愛泉石相逢
 不約無逆輿程古圖書同岸憤淫朋嬖黨初相慕濯髮洗心求
 易慮翩翩遠鶴雲中侶土直厄鷓那一顧邇來器業何深至湛
 湛具區無底沁可憐一點終不易枉駕殷勤尋漫士漫士平生
 四方走多與羣才並肩肘少有俳辭能罵鬼老學鳴夷但存口
 一官聊具三徑資取捨殊途莫迴首

題蘇之孟家薛稷二鶴

遼海未須顧蝶蟻仰霄孤疾留清耳從容雅步狂庭除浩蕩間
 心存萬里乘軒未失入佳談為真不妄傳詩史好事心靈自不
 凡臭穢功名皆一戲武功中今應天人束髮寮陽侍帝宸連城
 照乘詎惜寶皇圖禮詰誰珍真百齡生我欲公起九原蕭蕭松
 歲歲得公遺物非不多賞物懷賢心未已

雜咏

揚清歌發皓齒北方佳人東鄰子且吟白紵停淥水長袖拂面
 為君起寒零夜卷霜海空朔風吹天飄塞鴻玉顏滿堂樂未終
 館娃日落歌吹濃絃歌興罷拂衣還棄米何嘗有俸錢恩自大
 釣能逐物只應訪藥是優賢

余嘗唾越竹光滑如金版狂油拳上短截作口軸入笈番

覆一日數十張學書作詩寄劉薛

越筠萬杵如金版安用杭油與池爾高壓巴郡烏絲欄平欺澤
 國清華練老無他物適心目天使殘年同筆研圖書滿室貯墨

香劉薛何時眼中見

貞孃墓歌

何不學仙冢纍纍白楊西郭陰風悲虎丘一叩貞孃墓薛荔援
墻委蘭露千歲蒙茸幾樹花夜飄鬼火曉啼鴉向憐挾瑟彈清
月猶憶吹簫乘彩霞吳閭少年往來道黛娥釵燕誰能好酒滴
春雲夢不消泉聲幽咽鐘聲老陌上行遊緩緩歸昨日紅顏今
日非東望閭閻穿葬處玉鳧欲化湛盧飛

寄薛郎中紹彭二首

老來書興獨未忘頗薛^得薛老同徜徉天下有識誰鑒定龍宮無
術療膏肓淮風吹戟稀訟牒典客閉閣閒壺漿吟樹對山風景
聚墨池濯硯龜魚藏珠臺寶氣每貫日月觀桂實時飄香銀淮
燭天限織女烟海括地生霧无雋兒乃是翰墨侶挾竹不使輿

衛將象管鈿軸映瑞錦玉麟渠几鋪雲肪依依煙革動勃鬱矯
矯龍蛇起混茫持此以為風月伴四時之樂渠未央部刺不糾
翰墨病聖恩養狂林泉鄉風沙漲天烏帽客胡不東來從此
歐怪褚妍不自持猶能半蹈古人規公權醜怪惡札祖從茲古
法蕩無遺張顛與柳顛同罪鼓吹俗子起亂離懷素獨獠小解
事僅趨平淡如盲醫可憐智永硯空白去本一步呈千端已矣
此生為此困有口能談手不隨誰云存心乃筆到天工自是秘
精微二王之前有高古有志欲購亡高賞殷勤分薛紹彭散金
購取重跋題

揚州

東風何索寞帶雪入揚州尚想遺釵雀重觀上玉鈎真同一夢
覺空憶十年遊邂逅逢孫楚酣歌慰滯留

將之苕溪戲作呈諸友

松竹留因夏溪山去為秋久賡白雪詠更度采菱謳縷玉鱸堆
案團金橘滿洲水宮無恨景載與謝公遊

復借書劉李周三姓二首

好懶難辭友知窮豈念通貧非理生拙病覺養心功小圃能留
客青冥不厭鴻秋帆尋賀老載酒江東

旅食緣交駐浮家為興來句留荆水話禁向卞峯開過剎如尋
戴逵梁定賦放漁歌堪函處又有魯公陪

潤州甘露寺

邑故重重構春歸戶戶嵐槎浮龍委骨函失獸遺既神護衛公
塔天留朱老庵栢梁終厭勝會副越人譚

甘露寺晚眺

六代蕭蕭木葉稀樓高北固落殘暉兩州城郭青烟起千里江
山白鷺飛海近雲濤驚夜夢天低月露溼秋衣使君官負時平
樂長倒金鐘盡醉歸

觀音巖

秦驅禹鑿已寥寥却為高人得姓焦鮑鉅鉅有時邀楚釣海雲常
覺護山樵巖多陰霧龍減角蛙蛙結蒼林玉露臙濁氣不浸靈旒
下方壇曾駐紫清飈

山光寺

竹園山徑晚風清又入山光寺裏行一一過僧談舊事遲遲繞
屋認題名仙來石畔懷仄切鶴語池邊勸後生三十年間成底
事空叨薄祿是浮榮

望江樓

雲間鐵甕近青天縹緲飛樓百尺連三峽江聲流筆底六朝帆影落尊前幾番画角催紅日無事滄洲起白烟忽憶賞心何處是春風秋月兩茫然

詠潮

怒氣號聲送海門州人傳是子胥魂天排雲陣千家吼地擁銀山萬馬奔勢與月輪齊羽望信如壺漏報晨昏吳止越霸成何事一唱漁歌過遠村

漢王宗漢作蘆鴈有佳思贈以詩二首

偃蹇汀眠鴈蕭梢風觸蘆京塵方滿眼速為喚花奴
楚趣分苕水風先剪雪湖塵中不作惡為有鄴公圖

巫虹亭

斷雲一葉洞庭帆玉破鱸魚霜破柑好作新詩寄柔苧巫虹秋

色滿東南

中秋登望海樓

目窮淮海滿如銀萬道虹光育蚌珍天上若無修月戶桂枝撐損向西輪

郭祥正

字功甫當塗人少有詩名梅堯臣極賞之以為太白後身舉進士上知武崗縣秦乞神宗專用王安石安石恥為小臣所薦反試之遂以殿中丞致仕復出知端州棄去隱于芭之青山卒

蓮根有長絲

蓮根有長絲不供貧女織柳稍有飛綿不暖寒者衣朝歌悠悠暮歌短下地沈沈上天遠東生白日還西流志士長懷萬古愁

金山行

金山香狂滄溟中雪崖水柱浮仙宮乾坤扶持自今古日月髣

鬩疆西東我泛靈槎出塵搜索異境窺神工一朝登臨重太息
四時想像何其雄卷簾夜閣掛北斗大鯨駕浪吹長空舟摧岸
斷豈足數往往霹靂鉗蛟龍寒蟾八月蕩瑤海秋先上下磨青
青銅鳥飛不盡暮碧漁歌忽斷蘆花風蓬萊久聳未成往壯觀
絕致遙應同潮生潮落夜還曉物與教會誰能窮百年形影浪
自苦便欲此地安微躬白雲南來入我望又起歸興隨征鴻

墨染絲

縑絲自喜如霜白輸入官家吏嫌黑手持退印競傳呼條見長
絲染深墨墨絲歸織家人衣別買輸官吏真遲寄言敵國與三
軍汝得豐衣民苦辛

禾山

英英玉章禾乃是鳳凰食鳳凰殊未來禾生亦何益

西村

遠近皆僧刹西村八九家得魚無賣處沽酒入蘆花

訪隱者

一徑沿厓踏蒼壁丰塢寒雲抱泉石山翁酒熟不出門殘花滿
地無人跡

端峽

雙峽天開控江水水自祥柯來萬里端州還拄雙峽間石室崧
臺壓孤壘

清逸樓

南昌城中潘令宅清逸樓高二千尺斜飛四角河漢躔密排萬
瓦鴛鴦碧

環波亭

東湖入望晚波平蒲葉圓荷各自青不用更尋徐孺宅編茅搭竹有碑亭

宋元詩會卷之二十三

皖桐陳

焯默公輯送

後學程

仕松皋叅較

劉敞

字原父臨江新喻人舉慶曆進士廷試第一以編排官王堯臣親嫌改第二通判蔡州直集賢院判尚書考功糾改夏竦謚及爭中貴人議樂時論建之權度支判官從三司使勸帝收攬威權以消天變用同修起居注推知制誥奉使朔方素習知山川道徑每指點致譯者駭服又能辨彼中異獸朔人敬之如神使還求知揚州多善政嘉祐大裕羣臣議上尊號奏止之拜翰林侍讀學士待英宗講讀每用孝友規上上珠聽政容皇太后香之亦大喜病時醫予告少間求外得汝州旋改集賢院學士判南京御史臺卒年五十敞學問淵博朝廷每有禮樂之事必就取決焉尤長于春秋為書四十卷

雜詩效玉川體 三首

毀巢鳳不至竭澤龍不游賢者有所歸得非龍鳳儔周公下白屋聖德被九州趙禹謝賓客漢朝以為憂澆淳不相襲用舍何

其繆苟循一身利不為萬姓謀哀彼杖杜詩死生遺道周
鑿井取泉飲上山採薇食豈不信憔悴所願竭我力泉也非難
致薇也不易得志士恥徒飽衆人苟所獲犧牲畏芻豢樊籠害
羽翼晤理宜狂蚤無為晚更惑
道薄德亦散功名為時須用力世所賢守正衆云愚智者競蒿
目小人復邇圖悠悠三季後此風益已渝安知治未病舐痔而
多車堯舜無能名越哉已矣夫

今古路

出門道路多縱橫不可測我今欲遠行須問曾行客徐徐逢路
人借問青松側客曰今何往答之遊京國客乃指要路而言行
有益古路雖大道不如今路直但行今人路猶如假羽翼彼客
別我去獨自躊躇立為見今古路信乃無苦忒今路足輸蹄古
路多荆棘欲行今人路恐背古人跡欲行古人路今人笑迂僻
又礙不出門奈何寒饑逼哀哀此時路悠悠蒼天色不避今人
嫌路須行古陌古陌雖然遠且保無蹶失勉哉自勉我前去難
之適不獲見揚朱萬古凝愁魄

小孤山

驚波觸南崖反怒射北壁蒼山與相排所謂小孤石蟠根萬仞
淵聳角千丈碧祠堂豁精嚴行旅進粉澤或云婦女神盼蠻頗
有迹吾知定名意似欲旌介特流俗失其真傳舛莫開釋先王
秩山川禮典有廟食奈何媚於竈屈已忘正直吾欲為小孤作
書解行客復恐不見從嗟哉世多惑

示張直溫

築山必使高鑿井必使深百工戒淺近盛德羞浮沈馬有尺寸

枝能棲垂天禽馬有升斗泉能容橫江鱖借茲論物理足以開
君心陋狂容不足弱狂力不任大道如路然固無古與今

雜詩

齊有梁丘據晉有樂王鮒據能愛晏嬰鮒欲殘叔譽二臣嬖兩
朝事君為悅豫景有尚賢志據遂以為助平失者善心鮒乃速
其去毋以據為賢易地則同趣丈夫處世間必有遇不遇豈無
覺者乎正色君亦悟區區嬖幸徒何忍就朋附

此詩別本
作劉攽

荒田行

大農棄田避征役小農挈家就兵籍良田茫茫少耕者秋來雨
止生荆棘縣官募兵有著令募兵如足官胥慶從今無復官勸
農還逐魚鹽作亡命

漁翁

白頭老翁披敗蓑求魚終日旱淮波波深水濶望不絕網目雖
繁能幾何大魚鱸鱠入淵底小魚鯢鮓登網裏手輒足趼吁可
憐何不為網大如天

過翟方進墓

持法雖深上不疑蕭疎何事觸刑機主恩未改天心改使者空
乘白馬歸

玉津園

垂楊冉冉籠清籟細草茸茸覆路沙長閉園門人不見禁渠流
出雨殘花

李斯墓

二世三公何足論憶牽黃犬出東門天心忌滿由來事枉恃沙
丘有舊恩

劉 攽

直講歐陽修薦試館職為中丞王陶所排僅得枝勸熙寧
 中判尚書考功同知太常禮院時詔封太祖諸孫行尊者
 奉太祖後放言禮諸侯不得禮祖天子當自奉其國之祖宜
 崇德昭德也昭如後世世勿降爵使狂宗廟祭祀之位即
 以尊藝祖也昭如其議考試開封舉人與同院王介爭詈
 為御史所劾罷禮院又詔王安石書論新法不便斥判泰
 州稍遷京東轉運使黜監衡州哲宗初入為秘書少監以
 疾求去蘇軾等奏留之不得加龍圖閣知蔡州數月召拜
 中書舍人病弗能起卒年六十七故著書百卷尤遠史學
 為人味雋喜諧謔數
 召怨侮終不能改

齊魯

齊魯大儒師專門盛章句應物非已長何因責成務乃其忠孝
 心足以事君父不如商利徒反道趨詭遇剝牀已及膚泉貨山
 嶽聚賜金再百斤封邑成千戶若無天事變豈不厚且固商鞅
 既誅夸桑羊亦力鋸寄言縫衣人施施幸安步

上書行

仕不至二千石賈不至五百萬此事夸者憂而非志士歎君不
 見下邳少年受書起幄中運籌制千里功成不受二萬戶拂衣
 歸從赤松子君不見計倪半策誅強吳鳴夸扁舟浮五湖三致
 千金不自擅至今籍籍宗陶朱大賢富貴不為已心事邈與常
 人殊逢時致身如反掌雲蒸龍變無時無君勿愛上書獻賦稱
 賢豪刺繡倚市相務高丈夫昔曾笑徒勞商賈旦旦爭錐刀

茂陵徐生歌

茂陵徐生老且迂一心區區長信書拜章北闕三待報意欲霍
 氏安無虞那知世主心不同積惡未極難為功徒薪曲突事不
 爾壯侯幾人當受封高岸為谷丘淵移魯酒之薄邠邠園人生
 快已各以時舊意望君君不思

熙州行

帝家將軍勇無敵謀如轉圜心匪席精誠動天天不隔鑿空借
 籌皆碩畫賈生屬國試五餌買臣邊方發十策偏師倏然盡西
 海一月三捷猶餘力百蠻解刃慕禮樂五砮掃地開城壁蔥嶺
 陂陀蒲類深回笑秦并與禹績尚書論功易等差御史行封自
 明白武功貶爵十萬金徹侯印組丈二尺奮行過望理自爾少
 從進熟來無極憶昔漢武開西域天下騷然苦征役哀痛輪臺
 置肥美割棄造陽損斗僻豈知洮河宜稻此去涼州皆白麥女
 桑被野水泉甘吳兒力耕秦婦織行子雖為萬里程居人坐盈
 九年食熙州歡娛軍事息天王聖明丞相直

過淳于髡墓

微言動相國大笑絕冠纓流轉有餘智滑稽全姓名師儒空稷
 下衡蓋盡南荆贊塔不為辱旅墳知客卿

金陵懷古次韻

虎踞羣山帶遠江為誰興國為誰降高臺麋鹿看無數廢苑鳧
 鷺去自雙萬事朝雲隨逝水百年西日照虛隄白門酒美東風
 快笑教英雄盡一缸

和王正仲熙寧郊祀二十韻

駿命膺長發鴻圖本慎徽八方星拱極四海日升暉舊典增咸
 秩彌文示表微聖時均玉燭天統正璿璣南極迎陽復陰泉候
 氣歸積高常眷顧昭孝每無違羽衛來雙闕和鑿竝六飛風霆
 齊命令龍虎會旌旂帳殿層城暮金波列宿稀嚴更虛夜鑿雕
 輦下彤闈廣樂千人唱升烟萬目睇衆神知受記象物競來依
 陟降兼明察圓方比範圍送音仍鶯鶯昇福想霏霏澤蘇羣

動春陽暢瑾靡慶深周揭厲感極至獻款多士參鳴玉微生廁
皂衣肅雍瞻帝武奉引近天威儒館鴛鸞舊長謠錦繡揮因知
子雲賦何足頌魏魏

春草

春草綿綿未有名水邊原上亂抽紫似嫌車馬繁華地纔入城
門便不生

詠史

自古邊功緣底事多因嬖倖欲封侯不如直與黃金印借取沙
場白爛骸

寄王寄公

青苗助役兩妨農天下嗷嗷怨相公惟有蝗蟲知感德却隨車
騎過江東

出判泰州題館壁

壁門金闕倚天開五見宮花落井槐明日扁舟滄海去却從雲
氣望蓬萊

黃庭堅

字魯直洪州分寧人幼警悟其舅李常取庭堅
之無不通驚為一日千里舉進士調葉縣尉教授北京國
子監留守文彥博召為之蘇軾見其文以為獨立物表由是
報名始振哲宗立召為枝書郎檢討神宗寔錄遷著作佐
郎擢起居舍人丁母憂哀毀得疾幾殆服除為錄多誣俾
聖初出知宣州改鄂州章惇蔡卞與其黨論寔錄多誣俾
前史官分則直詞以待問者壯之院吏考閱悉有據依再
堅逢有問則直詞以待問者壯之院吏考閱悉有據依再
移我州庭堅恬不介意蜀士從之遊講學不倦徽宗立起
知舒州以庭堅恬不介意蜀士從之遊講學不倦徽宗立起
政趙挺之所構羈管宜州徙永未命而卒年六十一
初遊瀟皖山谷寺石牛洞樂之因自號山谷道人云

按田

河水積崢嶸山雪晴索寞幽齊怯寒威况復出城郭馬為蝟毛

縮人歎孤裘溥淤泥虎跡交叢社烏散樂橋經野燒斷崖值天
 風落洩雲迷鴻濛戴石瘦犂螢攀緣若登天扶服如入橐窮幽
 至河麋落日更槃礴新民數十家飄寓初棲記壯產無惰農荒
 榛盡開鑿臨流遣官丁恚使呼老弱息言論官意郭水陂可作
 春秧百頃杭秋報千倉獲掉頭笑應儂吾麥自不惡麥苗不為
 稻誠恐非民瘼不知肉食者何必苦改作我行疲鞍馬且用休
 羈絡艱難相頌歎共道折腰錯勢窮不得已來自取束縛月明
 夜蕭蕭解衣寬帶索卧看雲行天北斗挂屋角折薪爨酒鼎興
 至且相酌

發舒州向皖口道中作寄李德叟

黑雲平屋簷晨夜隔星月曉裝商旅前冰底泥活活野人攘畔
 耕蹇馬不能滑駝裘惜蒙真俱落水塘缺孤村小蝸舍乞火乾
 履襪前登極崢嶸一作他日飛鳥沒寒花委亂草耐凍鳴風葉
 江形篆平沙分派回勁筆髯弟不俱來得句漫剗剗一作漫得
 却望同安城唯有松鬱鬱遙知浦口晴諸峰見明雪

庚寅乙未舟泊大雷口

廣原嗥終風發怒土囊口萬艘萍無根迺知積水厚龍鱗火熒
 熒鞭笞雷霆走松連檣休森如束春韭倚筇蒹葭灣重楊欲生
 肘雄文酬江山惜無韓與柳五言呻吟內慚愧陶謝手送菜煩
 鄰船買魚熟溪友兒兒童報晦冥正畫見箕斗各方廢書眠鼻
 軒鞬囊吼猶防盜窺家嚴鼓申夜守冶城謝公墩牛渚蕩子婦
 何時快登臨篙師分牛酒

乙未移舟出口

畏風濤復入遂宿馬同行有劉三班善射沙夾遇盜劉手殺三人

江湖吞天胸蛟龍垂涎口養軀無千金特為親故厚本心非華

軒而與馬爭走聘婦緝落毛救兒耕蔥韭衣食端須幾將老猶
 掣肘安能諫隨人曲折作杞柳桓公甕益瘦楚國不龜手生涯
 但如此那問託婚友久陰快晴夜天若科斗村南鬼火寒村北風虎
 吼野人驅鷄豚縛落堅纏守劉郎弓石入猛氣壓馮婦一試金
 僕姑歸飲軟臂酒

曉放汴舟

秋聲滿山河雨行李狂梁宋川塗事鷄鳴身亦逐羣動霜清魚下
 流橘柚入包貢又持三十口去作江南夢

奉和文潛贈無咎四首

龜以靈故焦雉以文故翳本心如日月利欲食之既後生玩華
 藻照影終沒世安得入絃置以道獵衆智
 北寺鎖齋房陳鑰時一啟晁張冥然來連璧照書几庭栢鬱葱

葱紅榴穉多子時蒙吐佳句幽處萬籟起
 荆公六藝學妙處端不朽諸生用其短頗復鑿戶牖譬如學捧
 心初不悟已醜玉石恐俱焚公為區別不
 吾友陳師道抱獨門掃軌晁張作薦書射雉用一矢吾輩舉逆
 民故得天下喜兩公陣堂堂此事可摩壘

子瞻詩句妙一世乃云效庭堅體益退之歲效孟郊樊宗
 師之比以文滑稽耳恐後生不解故以韻道之

我詩如曹鄴淺陋不成邦公如大國楚吞五湖三江赤壁風月
 留玉堂雲霧隄句法提一律堅城受我降枯松倒澗壑波濤所春
 撞萬牛挽不前公乃獨力扛諸人方嗤點渠非晁張雙但懷相
 識察沐下拜老龐小兒未可知客或許敦龐誠堪壻阿吳買紅
 纏酒缸

顛上食蓮有感

蓮實大如指分甘念母慈共房頭臍臍更深兄弟思實中何
 荷拳如小兒手令我憶衆雛迎門索梨棗蓮心政自苦食苦何
 能甘甘餐恐腊毒素食則懷慙蓮生淤泥中不與泥同調食蓮
 誰不甘知味良獨少吾家雙井塘十里秋風香安得同裘子歸
 製芙蓉裳

次贖子瞻送頤子敦按河北

今代頤虎頭骨相自確偉不令長天官亦合丞御史能貧安四
 壁無愠可三已昨來立清班國士相頤喜何因將使節風日按
 千里汲黯不居中似非朝廷美大任錄萬事御坐留諫紙發政
 恐傷民天步薄水履蒼生憂其魚南畝多被水公行圖安集信
 目勿信耳

次韻答秦少章乞酒觀

朝事鞍馬蚤吏曹文墨拘初無拘寸補但於朋友疎豈知筆歌
 子臥起一牀書炙背道堯舜雪屋相與娛步出城東門野鳥吟
 廢噓頗知富貴事勢窮心亦舒詩來猷窮狀水餅嚼冰蔬斗酒
 得醉否枵腹如飶壺亦可召西舍侯羸非博徒

贈秦少儀觀

汝南許文休馬磨白衣食但聳麗功曹滿世名籍籍渠命有顯
 晦非人作通塞秦氏多英俊少游眉最白頗聳鴻雁行筆皆萬
 人敵吾蚤知有覲而不知有覲少儀袖詩來剖蚌珠的皪乃能
 持一鏃與我箭鋒直自吾得此詩三日卧向壁挽耒不能寸推
 去輒數尺才難不其然有亦未易識

次韻謝斌老送墨竹十二韻

古今作生竹能者未十輩
吳生勒枝葉筌宋遠不逮
江南鉄鈎鎖最許誠縣會
燕公灑墨成落落與時背
臂如剗心松中有歲寒狂
湖州三百年筆與前哲配
現摹轉銀鈎幽賞非俗爰
披圖風雨八咫尺莽蒼外
吾子學湖州師逸功已倍
有來竹四幅冬夏生變態
預知更入神後出遂無對
吾詩被壓倒物固不兩大
跋子瞻和陶詩

次韻答斌者病起獨遊東園

主人心安樂花竹有和氣
時從物外賞自益酒中味
斲枯蟻改穴掃籜筍逆地
萬籟寂中生乃見風雨至

顏徒貧樂二首

衡門低首過環堵容膝坐
四傍無給侍百衲自纏裹
論事直如絃觀書曲肱臥
饑來或乞食有道無不可
小山作友朋義重子輿桑
香草當姬妾不須珠翠妝
烏烏窺凍硯星月入幽房
兒報無炊米浩歌繞屋梁

以柳子茶餅寄德孺

炎丘椰木實入用隨茗椀
譬如栝石砮但貴從來遠
往時萬里物今狂籬落間
知君一拂拭想我瘴霧顏

同宋景瞻分題汴上行

東風何時來堤柳芳且柔
河水日已銷漫漫春水流
寒梅未破萼芳草綠猶稠
歲月不我還念此人生浮
高車無完輪積水有覆舟
鹿門不返者誰得從之遊

林為之送筆戲贈

閻生作三副規摹宣城葛外貌雖銑澤毫心或粗糲巧將希粟
尾拙廼成棗核李慶縛敬卓舍墨能不洩病狂惜白毫往往半
巧拙小字亦周旋大字難曲折時時一毛亂廼似逆梳髮張鼎
徒有表徐偃元無骨模函記姓名亦可應倉卒為之街南居時
通鈴下謁晴軒坐風涼怪我把枯筆開囊撲蠹魚遣奴送一束
洗硯磨松煤揮洒至日沒蚤年學屠龍適用固疎濶廣文困齏
鹽烹茶對秋月畧無人問字况有客投轄文章寄呻吟講授費
頰舌閒無用心處唯黃到筆墨時不與人遊孔子尚愛日作詩
當鳴鼓聊自攻短闕

過家

絡緯聲轉急田車寒不運兒時手種柳上與雲霧近舍傍舊傭
保少換老欲盡宰木鬱蒼蒼田園變畦畛招延屈父黨勞問走
婚親歸來翻作客顧影良自哂一生萍託水萬事雪侵鬢夜闌
風墮霜乾葉成陣燈花何故喜大是報書信親年當喜惧兒齒
欲毀亂繫船三百里去夢無一寸

過致政七田劉公隱廬

兒時拜公沐眼碧眉紫烟舍前架茅茨爐香坐僧禪女奴煮嬰
栗石盆瀉機泉今來掃門巷竹間翁蛻蟬堂堂列五老勝氣失
江山石盆爛黃土茅齋薪壞椽女奴為民妻又瘞蒿里園當年
笑語地華屋轉朱欄課兒種松子傘蓋上參天投策數去日木
行天再環先生古人風鐵膽石肺肝眼前不可意壯日挂其冠
解衣蘆君峯洗耳瀑布源霧豹藏文章驚世時一斑衆人初易
之久遠乃見難憶昔子政枉為翁教解顏五兵森武庫河漢落
舌端王陽已富貴塵冠不肖彈呻吟刊十史凡例墨新乾宰木

忽拱把相望風隧寒百楹書萬卷少子似翁賢

次韻子瞻題郭熙画秋山

黃州逐客未賜環江南江北飽看山玉堂臥對敦熙画發興已
狂青林間郭熙官画但荒遠短紙曲折開秋晚江村烟外兩脚
明歸雁行邊餘疊嶽坐思黃柑洞庭霜恨身不如雁隨陽熙今
頭白有眼力尚能弄筆映牕光画取江南好風日慰此將老鏡
中髮但照画寬作程五日十日一水石

次韻子瞻和子由觀韓幹馬因論伯時画天馬

于闐花驄龍八尺看雲不受絡頭絲西河驄作葡萄錦雙瞳夾
鏡耳卓錫長楸落日試天步知有四極無由馳電行山立氣深
穩可耐珠羈白玉羈李侯一顧歎絕足領略古法生新奇一日
真龍入圖画狂坳坳羣雄望風雌曹霸弟子沙苑丞喜作馬人

笑之李侯論幹獨不爾妙盡骨相遺毛皮翰林評書乃如此賤
肥貴瘦渠未知况我平生賞神駿僧中云是道林師

常父答詩有煎點徑須煩綠珠之句次韻戲答

小鬟雖醜巧妝梳掃地如鏡能檢書欲買娉婷供煮茗我無一
斛明月珠知公家亦闕掃除但有文君對相如政當為公乞如
願作賤遠寄宮亭湖

戲呈孔毅父 平仲

管城子無食肉相孔方兄有絕交書文章功用不經世何異然
窠綴露珠枝書著作頻詔除猶能上車問何如忽憶僧牀同野
飯夢隨秋雁到東湖

以團茶泚州綠石研贈無咎文潛

晁子智囊可以括四海張子筆端可以回萬牛自我得二士意

氣傾九州道山延閣委竹帛清都太微望冕旒貝宮胎寒弄明
 月天網下罩一日收此地要須無不有紫皇訪問富春秋晁無
 咎贈君越侯所貢蒼玉璧可烹玉塵試春色澆君胷中過秦論
 斟酌古今來活國張文潛贈君洮州綠石含風漪能淬筆鋒利
 如錐請書元祐開皇極第八思齊訪落詩

謝送碾賜壑源揀芽

喬雲從龍小蒼壁元豐至今人未識壑源包貢第一春緡監碾
 香供玉食睿思殿東金井欄甘露薦椀天開顏橋山事嚴庀百
 局補袞諸公省中宿中人傳賜夜未央雨露恩光照宮燭左丞
 似是李元禮好事風流有涇渭有憐天祿枝書郎親救家庭遣
 分似春風飽識大官羊不慣腐儒湯餅腸揀攪十年燈火讀令
 我胷中書傳香已戒應門老馬走客來問字莫載酒

聽宋宗儒摘阮歌

翰林尚書宋公子文采風流今尚爾自疑者域是前身囊中探
 丸起人一作死貌如千歲枯松枝落魄酒中無定止得錢百萬
 送酒家一笑不問今餘幾手揮阮咸送飛鴻促絃醉驚客起
 寒蟲催織月籠秋獨雁叫羣天拍水楚國羈臣放十年漢宮佳
 人嫁千里深閨洞房語恩怨紫燕黃鸝韻桃李楚狂行歌驚市
 人漁父擘舟狂葭葦問君枯木著朱繩何能道人意中事君言
 此物傳數姓玄壁庚庚有橫理閉門三月傳國工身今親見阮
 仲容我有江南一丘壑安得與君醉其中曲肱聽君寫松風

答黃冕仲索煎雙井并簡揚休

江夏無雙乃吾宗同舍頗似王安豐能澆茗椀湔被我風袂欲
 挹浮丘翁吾宗落筆賞幽事秋月下照江空家山鷹爪是小茶

茶敢與好賜雲龍同不嫌水厄幸來辱寒泉湯鼎聽松風夜堂
朱墨小燈籠惜無纖纖來捧椀唯倚新詩可傳本

出城送客過故人東平侯趙景珍墓令瓊

朱顏苦一作欲留不肖住白髮政爾欺得人婢娟去作誰家妾意
氣都成一聚塵今日牛羊上壘丘當時近前左右真花開鳥啼荆
棘裏誰與平章作好春

王充道送水仙花五十枝欣然會心為之作詠

凌波仙子生塵襪水上輕盈步微月是誰招此斷腸魂種作寒
花寄愁絕含香體素欲傾城山礬是弟梅是兄坐對真成被花
惱出門一笑大江橫

武昌松風閣

依山築閣見平川夜闌箕斗挿屋椽我來名之意適然老松魁

栝數百年斧斤所赦今參天風鳴媧皇五十絃洗耳不須菩薩
泉嘉二三子甚好賢力貧買酒醉此筵夜雨鳴廊到曉縣相看
不歸臥僧檀泉枯石燥復潺湲山川光輝為我妍野僧蚤饑不
能饋曉見寒篔有炊烟東坡道人已沈泉張侯何時到眼前釣
臺驚濤可畫眠怡亭看篆蛟龍纏安得此身脫拘孥舟載諸友
長周旋

書磨崖碑後

春風吹船著浯溪扶藜上讀中興碑平生丰世看墨本摩挲石
刻鬢成絲明皇不作包桑計顛倒四海由祿兒九廟不守乘輿
西萬官已作烏擇棲撫軍監國太子事何乃趣取大物為事有
至難天幸爾上皇弱躋還京師內間張后色可否外間李父頤
指揮南內淒涼幾苟活高將軍去事尤危臣結春陵二三策臣

甫杜鶴再拜詩安知忠臣痛至骨世上但賞瓊瑤詞同來野僧
六七輩亦有文士相追隨斷崖蒼蘚對立久凍雨為洗前朝悲

送王郎

酌君以蒲城桑落之酒泛君以湘纍秋菊之英贈君以點川點
漆之墨送君以陽關墮淚之聲酒澆胃中之磊塊菊制短世之
顏齡墨以傳千古文章之印歌以寫一家兄弟之情江山萬里
頭俱白骨肉十年眼終青連牀夜語鷄戒曉書囊無底談未了
有功翰墨乃如此何恨遠別音書少炒沙作糜終不飽饑冰文
章費工巧作須要心地收汗馬孔孟行世日杲杲有弟有弟力持家
婦能養姑供珍鮭兒大詩書女絲麻公但讀書煮春茶

伯時彭蠡春牧圖

岳陽楊上春已歸湖中鴻雁拍波飛不阮天濶隨鳥道石林風

晚吹人衣春水初生及馬腹浮灘欲上西山麓遙看絕嶺秀雲
松上有重蘿暗溪谷沙眠草嚼性不驕側身注目鳴相招林間
瞥過星燦燦原上獨立風蕭蕭君不見中原真種胡塵沒南行
市骨何倉卒秣收力健載征夫肯向時危辨奇骨即今貢馬西北
來東西坊監屯雲開紛然駕驥同一秣爾可不憂四蹄脫

戲贈彥深李原字彥深字之弟居南陽

李髯家徒立四壁未嘗一飯能留客春寒茅屋交相風倚牆捫
蝨讀書策老妻甘貧能養姑寧剪髮鬢不典書大兒得餐不索
魚小兒得袴不索襦庾郎鮭菜二十七大常齋日三百餘上下
分牖一飽飯藏神夢祈羊就疏世傳寒士有食籍一生當飯百
甕菹冥冥主張審如此附郭小園宜勤鋤葱秧青青葵甲綠蚤
韭晚菘羹糝熟充虛解戰賴湯餅毛以芥齋與甘菊幾日憐槐

已著花一心呪筭莫成竹羣兒笑髯窮百巧我謂勝人飯重肉
羣兒笑髯不若人我獨愛髯無事貧君不見猛虎即人厭麋鹿
人還寢皮食其肉濡需終與豕俱焦旣肥擇甘果非福蟲蟻無
知不足驚橫卽之民萬物靈請食熊躡楚千乘立死山壁漢公
卿李髯作人有佳處李髯作詩有佳句雖無厚祿故人書門外
猶多長者車我讀揚雄逐貧賦斯人用意未全疎

和謝公定征南詩

傳聲交州初陸梁東連五溪西氏率軍行不斷蠻標質謀主皆
收漢畔亡合浦譙門腥血涕晉興城下白骨荒謀臣異時坐致
寇守臣今日愧包柔已遣戈船下灘水更分樓船浮豫章頗聳
師出三鷗路盡是中屯六砮良漢南食麥如食玉湖南驅人如
驅羊營平請穀三百萬祁連引兵九千里少府私錢不可知大

農計歲今餘幾土兵番馬貌虎同蝮蛇毒草篁竹中未論芻粟
捐金費直愁瘴癘連營空我思荊州李大守欲募蠻丁今自攻
至今民歌尸殺我州砮擇人誠見功張喬祝良不難得誰借前
筋開天聰詔書哀痛言語切為民一洗橫尸血推鋒陷堅賞萬
戶塹山堙谷窮三穴南平舊時頗臣順欲獻封疆請旄節廟謀
猶計病中原豈知一朝更屠滅天道從來不爭勝功臣好為可
喜說交州雞肋安足貪漢開九砮勞臣監呂嘉不肖佩銀印微
側持戈敵百男君不見往年瀕海未砮縣趙地閉關罷朝獻老
翁竊帝脚自娛白頭抱孫思事漢考文親遣勞苦書稽首請去
黃屋車得一亡十終不忍太宗之仁千古無

次韻子瞻春菜

北方春蔬嚼水雪妍暝思采南山蕨蒞苗水餅姑置之苦菜黃

鷄羹粉滑專然色紫菰首白萋蒿牙甜萍頭辣生菹入湯翻手
成芼以薑橙誇縷抹驚雷菌子出萬釘白鵝截掌蟹解甲琅玕
林深未飄籜軟炊香^杭煨短^益萬錢自是宰相事一飯且從吾黨
說公如端為苦筍歸明日青衫誠可脫

彫陂

彫陂之水清且泚屈為印文三百里呼船載過七十餘寨蒙亂
流初不記竹輿嘔啞山徑涼僕姑呼婦聲相倚篁中猶道泥滑
滑僕夫慘慘耕夫喜窮山為吏如漫郎安能為人作嚆矢老僧
迎謁喜我來吾以王事篤行李知民虛實應縣官我寧信目不
信耳僧言生長八十餘縣令未曾身到此

長句謝陳適用惠送吳南雅所贈紙

廬陵政事無金牛恐是漢時陳太丘書記姓名不肖學得紙無
異夏得裘琢詩包紙送贈我自狀明月非暗投詩句縱橫剪宮
錦惜無阿買書銀鈎蠻溪切藤卷盈百側釐羞滑爾羞白想當
鳴杵砧面平枕柳葉風溪水小千里鷺毛意不輕瘴衣腥膩北
歸客君侯謙虛不自供胡不贈世文章伯一涪之水容牛蹄識
字有數我自知小時雙鈎學楷法至今兒子憎家鷄雖然嘉惠
敢虛辱煮泥續尾成大軸為心與君心莫傳平生落魄不問天
樽前花底幸好戲為君絕筆謝風烟已無商頌倚那手請續南
華內外篇

和曹子方雜言

正月尾重雲如覆盂雁作斜行書三十六陂浸烟水想對西江
彭蠡湖人言春色濃如酒不見挿秧吳女手冷卿小塢頗藏春
張侯官居柳對門雷風橫笛留三弄燒燭圍棋覆九軍盡是向

來行樂事每見琵琶憶朝雲只今不舉蛾眉酒紅牙捍撥網蛛
 塵曹侯束書丞太僕試說相馬猶可人照夜白真乘黃萬馬同
 秣隨低昂一天射落早鵬雙張侯猶思狂戎行橫山虎北開漢
 疆冷卿智多髮蒼浪牛刀發矧思一邦政成十級舞紅妝兩侯
 不如曹子方朶頤論詩嚼毛張龜歲六用中有先何時端能俱
 過我掃除北寺讀書堂菊苗煮餅深注湯更碾盤龍不入香

奉謝劉景文送團茶

劉侯惠我天玄壁上有雌雄雙鳳跡鵝溪水練落春雪粟面一
 杯增目力劉侯惠我小方壁自我半壁煮瓊糜收歲殘月惜未
 碾直待阿衡來說詩絳囊團團餘幾壁因來送我公莫惜箇中
 渴峯飽餅鷄蘇胡麻煮同喫

謝景文惠浩然所作廷珪墨

廷珪膺墨出蘇家麝煤添澤紋烏鞞柳枝瘦龍印香字十襲一
 日三摩抄劉侯愛我如桃李揮贈要我書萬紙不意神禹治水
 圭忽然入我懷袖裏吾不能手抄五車書亦不能寫論付官奴
 便當閉門學水墨灑作江南聚雨圖

阻水泊舟竹山下

竹山蟲鳥朋友語討論陰晴怕風雨丁寧相教防禍機草動塵
 驚忽飛去提壺歸去意甚真抑暗花濃亦半春北風幾日銅官
 縣欲過五松無主人

和舍弟中秋月

高秋搖落四十五清都蚤霜凋桂叢纖塵不隔四維淨寒光獨
 照萬象中少年氣與節物競詩豪酒聖難爭鋒桓尹老驥思千
 里尚能三弄當清風廣文陋價嬾於事浩歌不眠倚梧桐百憂

生火作內熱何時心與此月同後生晚出不勉學從漢至今無
揚雄天馬權奇大宛種吾家阿熊骨聳言詩已盡靈運前行身
未嘗孟軻勇明德文字不取讀蜘蛛結網塵堆壅少壯幾時夏
已秋待而成入吾木拱憐汝起予秋月篇我哀安得筆如椽但
使樽中常有酒不辭座上更無壇把詩問字為汝說便當侯家
歌舞筵

韓信 為黃綫
復作

韓生高材跨一世劉項存亡翻手耳終然不忍負沛公頗似從
容得天意成臯日夜望救兵取齊日重身已輕躡足封王能蚤
寤豈恨淮陰食戶戶雖知天下有所歸獨憐身與噲等齊蒯通
狂說不足撼陳豨孺子胡能為予嘗賞酒淮陰市韓信廟前木
十圍千年事與浮雲去想見留侯決是非丈夫出身佐明主用

舍行箴可自知功名邂逅軒天地萬事當觀失意時

以石軍書數種贈丘十四

丘即氣如春景晴風暄百草生木眼如霜鷓鴣齒玉水擁書環
坐爰隱明松花泛硯摹真行字身箴穎秀勁清問誰學之果蘭
亭戎昔頗復戲墨卿銀鈎蔓尾爛箱籊贈君鋪素黏曲屏小字
莫作癡凍蠅樂毅論勝遺教經大字無過瘞鶴銘官奴作草欺
伯英隨人作計終後人自成一家始逼真卿家小女名阿潛眉
目似翁有精神試留此書他日學往往不減衛夫人

宋元詩會卷之二十四

晚桐陳

焯默公輯選

後學程

仕松皋參較

黃庭堅

下

送舅氏野夫之宣城

李莘二首

籍甚宣城絕風流數貢毛霜林收鴨脚春網薦琴高共理須良

守今年輟省曹平生割鷄手聊試發硎刀

試說宣城絕停杯且細聽晚樓明宛水春騎蕤昭亭把酒豐圩

戶桁楊臥訟庭謝公歌舞處時對換鵝經

次韻答高子勉

近日坊選將此詩又入東坡集中

君不居郎省還應上諫坡才高殊未識歲晚喜無它
攄馬羸難出鄰鷄凍不歌寒爐餘幾火
仄裏撥陰何

呻吟齋睡起

二首

渠几坐清晝博山凝妙香蘭芽依客土柳色過鄰牆卷僻過從
少官閒氣味長江南一枕夢高臥聽鳴榔

牆下蓬蒿地兒童課剪除蔓葛隨分種杞菊未須鋤河水傳烽
火交州報捷書無能落閒處慙愧飽春蔬

次韻王定國揚州見寄

清洛思君晝夜流北歸何日片帆收未生白髮猶堪酒重上青
雲却佐州飛雪堆盤鱸魚腹明珠論斗煮鷄頭平生行樂自不
惡豈有竹西歌吹愁

寄黃幾復

我居北海君南海寄雁傳書謝不能桃李春風一杯酒江湖夜
雨十年燈持家但有四立壁治病不斬三折^肱胡想得讀書頭已
白隔溪猿哭瘴溪藤

寄上叔父夷仲

少年有功翰墨林中歲作吏幾陸沈庖丁解牛妙世故監市履
狝知民心萬里書來兒女瘦十月山行冰雪深夢魂和月遠秦
隴漢節落毛何處尋

次韻宋楙宗三月十四日到西池都人盛觀出遊

金狝繫馬曉鶯邊不比春江上水船人語車聲喧法曲花先樓
影倒晴天人間化鶴三千歲海上看羊十九年還作遨頭驚俗
眼風流文物屬蘇仙

次韻楊君全送酒

扶衰却病世無方唯有君家酒未嘗秋入園林花老眼茗椀文
字響枯腸醉頭夜雨排簷滴盃面春風繞鼻香不待澄清遣分
送定知佳客對空觴

和高仲本喜相見

雨昏南浦曾相對雪滿荊州喜再逢
有子才如不羈馬知公心是後彫松
閒尋書冊應多味老傍人門似更慵
何日晴軒觀筆硯一尊相屬要從容

湖口人李正臣蓄異石九峯東坡先生名曰壺中九華并為作詩後八年自海外歸過湖口石已為好事者所取乃和前篇以為笑實建中靖國元年四月十六日明年當崇寧之元五月二十日庭堅繫舟湖口李正臣持此詩來石既不可復見東坡亦下世矣感歎不足因次前韻

有人夜半持山去頃覺浮嵐暝翠空
試問安排華屋處何如零落亂雲中能迴趙壁人安在已入南柯夢不通
賴有霜鍾難席

卷袖椎來聽響玲瓏

奉答固道

平生湖海漁竿手強學來操製錦刀末俗相看終眼白
古人不見想山高未乘春水歸行李倘得閒官去坐曹自是無能欲樂爾煩君錯為歎賢勞

次韻公秉子田十六夜憶清虛

九陌無塵夜際天兩都風物各依然
車馳馬逐燈方鬧地靜人閒月自妍
佛館醉後懷舊歲齊宮詩思鎖今年
但尋公子微行去門外驂騑立繡韉

謝王烟之惠茶

平生心賞建溪春一丘風味極可人
香包解盡寶帶胯黑面碾出明媿
塵家園鷹爪改嘔冷官焙龍龍文食陳於公歲取壑源

足勿遣沙溪來亂真

徐孺子祠堂

喬木幽人三畝宅生芻一束向誰論
藤蘿得意干雲日簫鼓何心進酒樽
白屋可能無孺子黃堂不是欠陳蕃
古人冷淡今人笑湖水年年到舊痕

池口風雨留三日

孤城三日風吹雨小市人家只菜蔬
水遠山長雙屬玉身閒心苦一春鋤
翁從旁舍來收網我適臨淵不羨魚
俛仰之間已陳迹暮隄歸了讀殘書

思親汝州作

歲晚寒侵遊子衣物留幕府報官移
五更歸夢三百里一日思親十二時
車上吐茵元不逐市中有虎竟成疑
秋毫得失關何事總為平安書到遲

事總為平安書到遲

衝雪宿新寨忽忽不樂

縣北縣南何日了又來新寨解征鞍
山銜斗雨三星沒雪共月明千里寒
小吏有時須束帶故人頗問不休官
江南長盡梢雲竹歸及春風斬釣竿

郭明父作西齋于穎尾請予賦詩

食貧自以官為業嘗說西齋意凜然
萬卷藏書宜子弟十年種木長風烟
未嘗終日不思穎想見先生多好賢
安得雍容一樽酒女郎臺下水如天

戲詠江南土風

十月江南未得霜高林殘水下寒塘
飯香獵戶分熊白酒熟漁家擘蟹黃
橋摘金苞隨駟使禾春玉粒送官倉
踏歌夜結田神

社遊女多隨陌上郎

和答孫不愚見贈

詩比淮南似小山酒名麴米出雲安且憑詩_酒勤春事莫愛兒郎
作好官薄領侵尋台相筆風埃蓬勃使星鞍小臣才力堪為掾
敢學前人便挂冠

次韻裴仲謀同年

交蓋春風汝水邊容牀相對卧僧壇舞陽去葉纜百里賤子與
公俱少年白髮齊生如有種青山好去坐無錢烟沙篁竹江南
岸翰與顧鶴取次眠

稚州約晚過進叔次前韻贈稚州并呈進叔

人騎一馬鈍如蛙行向城東小隱家道上風埃迷阜白堂前水
竹湛清華我歸河曲定寒食公到江南應剗瓜樽酒先陰俱可

惜端須連夜發園花

同世弼韻作寄伯氏狂濟南兼呈六舅祠部學士

山光掃黛水接藍靑說樽前愜笑談伯氏清修如舅氏濟南瀟
灑似江南屢陪風月乾吟筆不解塞黃醉舞衫只恐使君乘傳
去拾遺今日是前街

次韻益郎中率郭郎中休官二首

仕路風波雙白髮聞曹笑傲兩詩流故人相見自青眼新貴即
今多黑頭桃李柳花明曉市荻芽蒲筍上春洲定知老健休
官去酒戶家園得自由

世態已更千變盡心源不受一塵侵青春白日無公事紫燕黃
鸝俱好音付與兒孫知伏臘聽教魚鳥逐飛沈黃公壚下曾知
味定是逃禪入少林

次韻答柳通叟求田問舍之詩

少日心期轉繆悠，蛾眉見妬且障羞。但令有婦如康子，安用生
首似仲謀橫笛牛羊歸。晚徑捲簾瓜芋熟，西疇功名可致猶回
首。何^况免功名不可求。

謝送宣城筆

宣城變樣博一作專，鷄距諸葛名家埒。一作拊鼠鬚一束喜從公處
得，千金求買市中無。漫投墨客摹科斗，勝與朱門飽蠹魚。愧我
初非草玄手，不將閒寫吏文書。

次韻寅菴二首

兄作新菴接舊居，一原風物萃庭隅。陸機招隱方傳洛，張翰思
歸正枉吳。五斗折腰慚僕妾，幾年合眼夢鄉閭。白雲行處應垂
淚，黃犬歸時蚤寄書。

大若塘邊獨網魚，小桃源口帶經鋤。詩催孺子成雞柵，茶約隣
翁掘芋區。苦棟狂風寒徹骨，黃梅細雨潤如酥。此時睡到日三
丈，自起開闔招酒徒。

和師厚郊居示里中諸君

籬邊黃菊閑心事，隄外青山不世青。江橘千頭供歲計，秋蛙一
部洗朝醒。歸鴻往燕競時節，宿草新坟多友生。身後功名空自
重，眼前樽酒未宜輕。

次韻胡彥明同年羈旅京師寄李子飛

看除日月坐中銓，一歲應無官九遷。葱韭盈盤市門食，詩書滿
枕客牀羶。留連節物孤朋酒，惱亂鄰翁謁子錢。誰料丹徒布衣
侶，困窮且忍試新年。

出迎使客質明放舡自瓦窑歸

鼓吹喧江雨不開丹楓落葉放船回風行水上如雲過地近嶺
南無雁來樓閣人家捲簾幕旅蒲鷗鳥樂灣洄惜無陶謝揮斤
手詩句縱橫付酒杯

題安福李令朝華亭

丹楹刻桷上崢嶸表裏江山落眼平曉日成霞張錦綺青林多
露綴珠纓人如旋磨觀羣蟻田似圍碁據一秤對案昏昏迷簿
領暫來登覽見高明

寄舒申之戶曹

吉州司戶官雖小曾屈詩人杜審言今日宣城讀書客還趨手
版傍轅門江山依舊歲時改桃李欲開烟雨昏公退但呼紅袖
飲刺傳歌教新翻

奕碁一首呈任公漸

偶無公事客休時席上談兵枝一作兩碁心似蛛絲遊碧落身
如蜩甲化枯枝湘東一日誠甘死天下中分尚可持誰謂吾徒
猶愛日參橫月落不曾知

秋懷

秋陰細細壓茅屋吟蟲啾啾昨夜涼雨開芭蕉新聞舊風撼竇
簷宮應高砧聲已急不可緩簷景既短難為長孤裘斷縫棄牆
角豈念晏歲多繁霜

四月末天氣陡然如秋遂御袂衣遊北沙亭觀江漲

沙岸人家報急流舡官解纜正存猶震雷雨度絕壑遠水粘天
吞釣舟甚欲去揮白羽筴可堪更著紫茸裘平生得意無人會
浩蕩春鋤且自由

趙令許載酒見過

玉馬何時破紫苔南溪水滿綠徘徊買魚研鱸須論網撲杏供
盤不敷枚廣漢威名知訟少平原樽俎費詩催草玄寂寂下簾
幘稍得閒時公合來

登南禪寺懷裴仲謀

茅亭風入葛衣輕坐見山河表裏清歸燕畧無三月事殘蟬猶
占一枝鳴天高秋樹葉公色日暮碧雲樊相城後寄詩能慰我
似逃空谷聽人聲

夏日夢伯兄寄江南

故園相見略雍容睡起南牕日射紅詩酒一年談笑隔江山干
里夢魂通河天月暈魚分子擲葉風微鹿養茸幾度白沙青影
裏審聽嘶馬自擗筇一作白髮倚門愁絕處可堪衣斷去時縫
同孫不愚過昆陽

田園恰恰值春忙驅馬悠悠昆水陽古廟藤蘿穿戶踰斷碑風
雨碎文章真人寂寞神為社豎壘委蛇女採桑拂帽村帘誇酒
好為君聊解一瓢嘗

題雙鳧觀

飄蕭閱世等虛舟歎息眼前無此流滿地悲風盤翠竹半叢寒
日破紅榴青山空狂衣冠古白鶴不歸宮殿秋王令平生樽酒
地千年萬歲想來遊

雪中連日行役戲書簡同僚

簡書催出似驅鷄尋道飢寒滿屋啼炙背宵眠榻拙火嚼冰晨
飯薩波蘆風如利劍穿旅腋雪似流沙飲馬蹄官責輕聊自慰
猶勝環甲去征西

客自潭府來稱明因寺僧作靜照堂求予作

客從潭府渡河梁藉甚傳誇靜照堂正苦窮年對塵土坐令合
眼夢湖湘市門曉日魚鰕白鄰舍秋風橘袖黃去馬來舟爭歲
月老僧元不下繩牀

喜念四念八至京

朔雪蕭蕭映薄幃夢回空覺淚痕稀驚看庭樹烏鳥樂知我江
湖鴻雁歸拂榻喜開姜季被上堂先著老萊衣酒樽烟火長相
近酬勸從令今更不違

謫居黔南 五首

相望六千里天地隔江山十書九不到何用一開顏
霜降水反壑風落木歸山冉冉歲華晚昆蟲蚤閉閣
冷淡病心情暄和好時節故園音信斷遠颺親賓絕
山郭燈火稀峽天星漢少年先東流水生計南枝鳥

真心齊近遠委順隨南北歸去誠可憐天涯住亦得

題鄭防函夾

惠崇烟雨歸雁坐我瀟湘洞庭欲喚扁舟歸去故人言是丹青
有惠江南帳中香者戲作

病起荆江亭即事 六首

維摩老子五十七天子大聖初元年傳聲有意用幽側病著不
能朝日邊

司馬丞相昔登庸招用元老超羣公揚縮當朝天喜斷碑零
落卧秋風

文章韓杜無遺恨草詔陸贄傾諸公玉堂端要真學士須得儂
州秃鬢翁

閉門覓句陳無已對客揮毫秦少游正字不知温飽未西風吹
淚古藤州

張子耽酒語蹇吃聳道穎州又陳州形模彌勒一布袋文字江
河萬古流

魯中狂士邢尚書本意扶日上天衢博夫若狂鑄此老不令平
地生崎嶇

謝答聳善二兄 二首

公擇醉面桃花紅人百忤之無温容聳老夜闌傾數斗焚香默

坐日生束 李公擇尚書
孫莘老中丞

陶令舍中有名酒無夕不為父老傾四坐歡欣觀酒德一燈明
暗又詩成

戲贈米元章 二首

萬里風帆水著天麝煤鼠尾過年年滄江靜夜虹貫月定是米
家書函舡

我有元暉古印章百印利不忍與諸郎虎兒筆力扛能鼎教字

暉坐日阿章

往歲過廣陵值蚤春嘗作詩云春風十里珠簾捲髻鬢三
生杜牧之紅藥稍頭初繭栗揚州風動鬢成絲今春有

自淮南來者道揚州事戲以前韻寄王定國

淮南二十四橋月馬上時時夢見之想得揚州醉年少正圍紅
袖寫烏絲

從張仲謀乞蠟梅

聳君寺後野梅發香蜜染成官樣黃不擬折來遞老眼欲知春
色到池塘

雨中登岳陽樓君山 二首

投荒萬死鬢毛斑生入畏塘灑瀨閑未到江南先一笑岳陽樓
上對君山

滿川風雨獨凭欄
綰結湘娥十二鬟
可惜不當湖水面
銀山堆裏看青山

寄賀方回

少游醉卧古藤下
誰與愁眉唱一盃
解作江南斷腸句
只今唯有賀方回

戲答王子予送凌風菊

病來孤負顛鷓杓
禪板蒲團入眼中
浪說間居愛重九
賞花應笑白頭翁

和陳君儀讀大真外傳 三首

扶風喬木夏陰合
斜谷鈴聲秋夜深
人到愁來無處會
不閑情處總傷心

梁州一曲當時事
記得曾拈玉笛吹
端正樓空春晝永
小桃猶學淡燕支

高麗條脫珮紅玉
邏迤琵琶撫綠絲
蛛網屋珠昏故物
此生唯有夢來時

夜發分亭寄杜澗叟

陽關一曲水東流
燈火旌陽一釣舟
我自只如常日醉
滿川風月替人愁

春近 二首

閨後陽和臘裏回
濛濛小雨暗樓臺
柳條榆莢弄顏色
便恐入簾雙燕來

梅英欲盡香無賴
草色才蘇綠未勻
苦竹空將歲寒節
又隨官柳到青春

胡致隆

號蕭灘居士與黃庭堅友善

分題賦藕

平生冰雪姿
七星羅心胸
豈無有絲毫
上裨天子聰
而不自薦
達胡為乎泥中
沈疴正無賴
安得君從容
其子亦可憐
風味如乃翁

落星樓即事

葛中藤杖竹籬條
夜靜江樓縱目初
海獸擎山出
彭蠡玉龍銜
水下匡廬三更雲
淨猿啼露十里
月寒人捕魚
已問湖山借
圭角他年來此老
樵漁

仰山寺

山下清泉迸石流
山前松竹自春秋
猿吟古寺偏深處
雲集羣峰最上頭
一老有靈飛宰堵
二神無語鎖寒湫
諸天更狂藤蘿外
欲踏層巔悵末由

洪朋

南昌人洪師氏子芻之兄也芻進士官諫議大夫著老圃集職方乘○按黃山谷四甥時號豫章四洪曰駒父玉父鴻父龜父而通父詩最為山谷所賞即朋也

春風

春風吹桃李
欵然滿中園
羣動不遑息
蝴蝶紛飛翻
我亦感茲時
步屨遠林間
顏色豈不好
持久良獨難
置酒休其下
聊復罄余歡
君看桃李成
溪亦無言

獨步懷元中

淨盡西山日深行城北村琅璫鳴佛屋薜荔上僧垣晴雨慰枵腹夕風清病魂所思渺江水誰與共忘言

宿范氏水閣

枕水鑿疏櫺雲扉夜不扃灘聲連地籟林影亂天星人靜魚頻躍秋高露欲零何妨呼我友乘月與揚舲

晚登秋屏閣示杜氏兄弟

病人湯熨暫時停謾向秋屏臺上行白日忽隨飛鳥去青山斷處落霞明林間嘒嘒寒蟬急江上悠悠烟艇橫富貴功名付公等嗟予老矣負平生

洪炎

字玉父見洪朋傳

袁遊翁雲溪居

水竹依山住烟霞竝舍分秋添中夜雨冷沒一溪雲

洪芻

字駒父見洪朋傳

廬山紫霄峰有禹刻石室

塊視落星石杯觀彭蠡湖荒哉秦漢君抗旌上崎嶇永懷太史公九江觀禹摹

賈收

字耘老湖州人有水閣在苕溪上景物清曠沈會宗為賦天仙子詞一時傳誦之後作杭州有美堂詩見賈於東坡遂定交焉

有美堂

自刊宸畫入雲端神物應須護翠吳越不藏千里色斗牛常占一天寒四簷望盡回頭嬾萬象搭來下筆難誰信靜中疎拙意

畧無蹤跡到波瀾

李彭

洪芻兄弟之友
集中多倡和詩

阻風雨封家市

往歲李成寫驟雨萬里古意毫端聚行人深藏鳥不度便覺非
復鵝溪素龍眠老院作陽關北風低草雲堆山行人客子兩愁
絕未信蒲萄能解顏二公了了解人意似是画我封家市戲作
新詩排畫睡忽有野雁鳴烟際

夢訪友生

少年結客長安城安喜縱酒一章程支離去老一茅屋枕書臥
聳長短更友生相望止百里寒夜寥濶無微聲夢乘輿輒見戴
剡溪聊爾扁舟行覺來蘧蘧一榻上不用童僕爭騷迎吹燈弄

筆欲書寄總前白月方亭亭

題呂小馮聽雨堂

碧澗寒侵屋幽雲度度牆貪看山入坐怪聽雨鳴廊苦之陰鏗
句聊登孺子牀非君無汲引寄傲學潛郎

望西山懷駒父

去歲湖湘賦凜秋聳君江國大刀頭百年會面知幾遇十事欲
言還九休照眼遙岑落懷袖過眉拄杖立汀洲漫言青山淡吾
慮誰料却能生許愁

楊傑

字次公無為人少有名于世元豐中官太常者數任一時
禮樂之事皆與討論神宗命祕監劉几禮侍范鎮議樂器
几請命傑同議乃陳大樂七失併圖上之鎮不用傑議哲
宗即位言樂者又主范鎮傑力言其非鎮說遂格不行元
祐中為禮部員外郎出知潤州除
兩浙提點刑獄卒有集二十卷

勿去草

勿去草草無惡若比世俗浮薄君不見長安公卿家公卿盛時
 客如麻公卿去後門無車唯有芳草年年加又不見千里萬里
 江湖濱觸目淒淒無故人唯有芳草輪一日還舊居門前草先
 除草於主人寔無負主人於草宜何如勿去草草無惡若比世
 俗俗浮薄

題吹衣亭

馬上衣衫浣塵土欵版權門腰偃僂冷風天上呼不來厚顏如
 甲汗如雨星郎高韻凌雲烟天籟喚歸酌流泉人間熱惱醺不
 到亭上鶴衣飄吹仙君方醉樂人愁絕何如御此登天闕叩天
 借取衣上風吹下九州作春色

南城白雲山悼虎巖上人

白雲隨師來師逐白雲止山空師何在木末白雲起

揚蟠

字公濟章安人舉進士為密和二州推官歐陽修稱其
 詩蘇軾知杭州蟠時通判州事倡酬居多後知壽州卒

就食

未知田上勞徒厭鼎中味及與農事接方知食者貴余生寡營
 求念此豈易致况敢懷寸禄平居但羞愧

寄東山禪師

高卧西林月孤閒獨有君杖藜循澗水敲枕看山雲鹿過何人
 見猿啼只自看篇章知不少寄我莫辭勤

春日獨遊南園

天淨鳥飛遠路幽花自香春風吹草木野水滿池塘事去青山
 狂人間白日長興來搔短髮微意久難忘

詔中書事

把麾何所往海上有名山
潮落魚爭拾雲低雁可攀
一城仙島上雙塔
函圖問當路誰知已天應賜老閒

和東山禪師南澗傍遊戲呈公濟冲晦

澗南一嘯清風發林下重來白
日長雲遠石深連鷺嶺水寒沙
淺似魚梁漫回野老詢前事
閒伴幽人擷衆芳更欲窮源情未
已知君嗔我素歸忙

酬仲靈同遊天竺兼呈伯周禪老

不問猿崖鳥道深携筇著屐伴
君尋山中桂子鷺寒夜雪後梅
花逼歲陰欲住更逢青眼顧
相看須盡白頭吟他年倘續高僧
傳未放湯休與道林

陪潤州裴如晦學士遊金山回作

世上蓬萊第幾洲長雲漠漠鳥飛愁
海山亂點富軒出江水中
分遠盭流天遠樓臺橫北固
夜深燈火見揚州迴船却望金陵
月獨倚牙旗坐浪頭

酬東山禪師喜公濟冲晦過訪作

數百招提隱亂峰蒼茫那辨講堂鐘
春酣賴得黃鸝報路轉唯
尋白鹿蹤菴狂月邊長不鎖
興來天外忽相逢山人莫笑衣冠
客亦有梁鴻待賃春

蚤過天竺呈明智及同遊二老

雨過靈峰臥竹林平明屐齒到雲堂
門前雨過新溪滿石上風
回舊草香山抱鐘聲圓不散
雲鋪瓦面冷無光理公莫怪詩相
惱今日偕行總姓湯

秦王纜舡石

色陰長帶雨疑是白雲根欲問東巡事今猶不敢言

章 棨

字質夫浦城人用蔭為孟州司戶參軍應舉入京嘗父封對簿干魏棄不就試馳往直其寬還試禮部第一擢知陳留縣應提舉陝西常平京東轉運判官成都路轉運使入為考功以直龍圖知慶州來便討夏人屢挫其鋒除知同州徙應天府知廣州轉江淮發運使哲宗訪以邊事對稱旨命知渭州用其策築峽江口好水河二城進奪殭境擊敗夏衆用輕騎夜襲執其統軍夏主震駭上御紫宸殿受賀推棨密直端明殿學士進階大中大夫所立邊功為四方最歲宗立請老授資政殿學士未幾卒謚莊簡

海棠軒

珍葩寄幽島正對孤軒植優柔自俯仰紅綠若組織春酣晴日曛坐久濃香逼池面淨可鑑朝霞罩澄碧

潺玉亭

傍砌醜小渠回環是流水石唇上珠涎清響醒人耳風微竹影

碎月皎波先起颯爽無塵囂靜適心所喜

茅菴

竹間構圓菴所向自瀟灑珍禽弄巧舌宛是居山野默坐見真心萬緣盡虛假勿陋尋尺地茲焉息意也

水閣

架木浮水中畧約通孤島扶疎花影反潑刺跳魚小風月所得多經營信去巧隱几寂無人朱欄萃幽鳥

月臺

蜀地饒夜雨輕陰多蔽天見月月無幾築臺邀婁娟高凝挂影近俯視雲屋連顧盼已塵外欲挹瑤宮仙

宋元詩會卷之二十五

皖桐陳焯默公輯選

後學程仕松皋叅較

陳襄

字述如神官人少孤能自立舉進士調浦城主簿攝令事
 發姦如神閣校奉使祠部出知常州入為開封府推官鹽
 相薦為祕閣校奉使祠部出知常州入為開封府推官鹽
 鐵判官神宗立奉使祠部出知常州入為開封府推官鹽
 御史知雜事力論青苗法不便乞賤王安石呂惠卿以謝
 天下又請罷韓絳政府用杜大用臣爭利而進者皆不聽召
 試知制誥辭不就試願補外帝特留修起居注諭年為知
 制誥安石欲出之帝不許尋直學士院安石益忌之摘其
 書詔小失出知陳州徙尚書都省卒年六十四
 通進銀臺司兼侍讀判尚書都省卒年六十四

送闕都官致仕

鴻雁于飛送闕公也公能以禮致仕惜其有老成德不哀不
 養于朝天子不用古禮留之故作是詩也

鴻雁于飛歸戾于澤君子于田亦適維則旅力不愆曷云其極

庶民之耆職自為愚君子之耆其德有濡旅力不愆曷云其幼
 有堅松栢君子斧之有實秬稷農夫有之天子有老曷其與歸
 野有白駒來食我藪君子之往胡為不留我心悠悠為天子之
 憂

洛陽曲

有客頓征轡暮宿洛陽堤洛陽繁華地慨然心傷悲憶昔季倫
 家朱門鼎貴時錦步四十里冠蓋相追隨寵移百琲珠醉擊珊
 瑚枝一旦委溝壑身隨朝露晞綺樓日顛外金谷無人歸綠珠
 千古魂作散香塵飛荒榛塞中道惟有寒螿啼嗟哉百世後驕
 奢徒爾為

荔枝歌

番禺地僻嵐烟鎖萬樹纍纍產嘉果漢官墜落金莖露秦城散
 起驪山火炎炎六月朱明天映日僂枝紅欲然自古清芬不能
 過留得嘉名為堪仙上皇西去楊妃死巒海迢迢千萬里華清
 宮闕閒無人南來不見紅塵起至今榮植徧閩州離離朱實繁
 星稠一日為君空變色千里憑誰速置郵可憐錦幘神仙侶為
 飲凝漿滌煩暑綺筵不惜十千錢酌酎秦樓桂花醕秦樓女子
 繡羅裳鳳簫鳴咽流宮商醉歌一曲荔枝香席上少年皆斷腸

古靈山試茶歌

乳源淺淺交寒石松花墮粉愁無色明皇玉女跨神雲鬪剪輕
 羅縷殘碧我聳巒山二月春方歸苦霧迷天新雪飛仙嵐潭邊
 蘭草齊霧牙吸盡香龍脂轆轤繩細井花暖香塵散碧瑠璃椀
 玉川冰骨照人寒瑟瑟祥風滿眼前紫屏冷落沈水烟山月堂
 軒金鴨眠麻姑癡煮丹井泉不識人間有上僊

此景

晚嶠殘霞斷晴空宿靄收綠蕪天共遠明月水同流落葉填秋
望孤磴答旅愁提壺伴詩筆獨醉庾公樓

幽齋

幽徑絕塵蹤莓苔上粉墉秋聲連夜雨寒色一溪松學有書千
卷歡無酒萬鍾雲屏孤夢斷寂寞掩巫峰

金華山人

幽居倚翠巒塵事不相干天地醉來小琴碁靜裏歡雨苔春徑
綠風竹夜牕寒若問長生術金爐有寶丹

黑崖道中作

陰山沙漠外六月苦行人水迸金蓮曉湯回鐵脚春馬饑思苑
草僕病臥邊塵夜夢京華阻披衣望北辰

舟次巴峽

江流何險阻次第入三巴崖斷時無路山溪更有家鄰蔬饒竹
筍鄉果足枇杷况有荊州醞淹留不用嗟

春日賞林亭

把酒春亭覽衆芳水精簾箔逗山光孤松冷落千年換野槿紛
華一日香綠圃烟淡迷蝶曲池波暖睡鴛鴦文園莫莫惜驪裘

費買取宜城作醉鄉

寄遠

飛鵲翩翩暮欲棲楚天新月射璇題袖中已滅三年字心曲惟
通一點犀步障影迷金谷路桃花香隔武陵溪瑤華好折無人

寄腸斷江樓百尺梯

夜意

宋元詩會

卷之二十一

存素堂

熏爐香燼意烟沈凜冽寒生翡翠衾月國音塵千里絕仙山樓閣五雲深離懷暗耿金壺漏獨夢多驚玉女碁騎省中郎才調逸擬將文筆賦秋心

和正辭職方以濬河留滯

萬鋪如雲濬禹海荀卿橋畔艤行舟珠璣合照賢人聚銀漢無波海客留且作東山携妓藥未應南浦送君愁辛夸花發春醅熟只俟郊原雨少休

和徐通判九月望日始見菊花

月滿霜飛菊始華幽叢冷落帶烟斜籬邊過却重陽酒澤畔誰憐野草花湖學先生歸解組安州司戶老居家皆因晚節無人用隕涕臨為為爾嗟

登雄州南門偶書呈知府張皇城

城如銀甕萬兵環悵望孤城野蔘間陂面綠陰通易水樓頭青靄見狼山漁舟掩映江南浦使驛差池古北關雅愛六韜名將後塞垣無事虎豹閤

使還咸熙館道中作

土曠人稀驛路賒山中殊不類中華白沙有露鴛鴦泊芳草無情如娉花羶館夜燈眠使節石梁秋吹動邊笳歸來覽照看顏色斗覺霜毛兩鬢加

重陽閣下和同舍

君逢佳節憶還家我亦淹留感歲華清禁讐書驚白髮故園吹帽負黃花謝安行有登山屐揚子居無載酒車何日得歸溪上隱大收圖史作生涯

東園觀雪

風毛雨絮小園東天幙低垂慘澹空蘋浦萬家雲覆瓦花溪千
樹玉彫籠穿林已奪春梅蚤夫隴潜滋夏麥豐湘酌孤衣雖可
賦豈無捐瘠在海中

古城

蘆葦蕭疎天氣清水舍山色照重城綠蕪何處管絃地碧落舊
時鐘鼓聲三峽橋邊秋雨過六鼇宮裏夜潮生蕭郎秦女無歸
約十二樓臺空月明

和子瞻京口憶西湖寒食出遊見寄一首

春陰漠漠燕飛飛可惜春光與子違半嶺烟霞紅旆入滿湖風
月畫船歸緱笙一闋人何在遼鶴重來事已非猶憶去年題別
處鳥蹄花落客沾衣

送別探得南字

謫宦情牢落窮通理更諳讀書不廢事道古亦何慙昔喜鄰州
守嘗陪後乘駮西湖遊未厭北海飲方酣躡屐扳雲嶠捫蘿訪
竹菴鷺濤千頃雪鷺嶺萬堆藍散遇時難一睽離歲忽三陪京
方接畛歸省會同叅士子文宗愈朝廷禮問聃好留君左右俄
領罷東南歲早錢仍貴民饑命不堪下車寬賦役露冕訓田蠶
畫舸乘春別新書卜日覃牙旗風發發瑞節虎眈眈龍鳳吳王
國烟霞古佛龕荷香輕泛浦桂子靜飄嵐草澤行吟苦蘭陔奉
養甘子文無愠色夸甫足清談物外冥天籟樽前據石楠惟應
憐舊尹漁釣負江潭

秦觀

字少游一字太虛高郵人少豪俊工文詞以黃樓賦見蘇軾於徐州軾稱其有屈宋才登第調定海主簿用軾薦徐州言者謂其增損實錄貶監處州酒稅再削秩徙郴州編管

橫州又從雷州徽宗立復宣德郎放還至藤州出遊華光亭速水欲飲水至笑視之而卒年五十三有文集四十卷

春日雜興 四首

潭潭故邑井猗猗上宮蘭不食自清潔莫服更幽閒志士恥弱植卷跡甘饑寒佳晨追長靚觸物縣悲端川途眇回遠經歲曠音翰豈不慕裘馬詭得非所安蟬冕多怵迫繩樞尠憂患枉尋竟何補方枘誠獨難

寢瘵倦文史駕言從遨嬉颺風舉遙淑規日麗清漪舍桃粲朱實杜若懷碧滋娉娉弱絮墮圍圍文魴馳明霞廓遠矚哀禽攪離思縉草天際合孤雲川上移寬閒絕輪鞅重復多路歧信美難久佇歸歟從所治

昔我遊京室交通五陵間主客各英妙袍馬相追攀千金具飲啜百金顧吹彈纓弁羅廣席當頭舞交竿鮮妝耀淥酒采纈生風瀾燈燭暗夜艾士女絲相班歡娛易歇轉盼如飛翰翰疊疊負孤願離離銜永歡山鳥窺茗飲簷花笑蔬餐棄捐勿重陳事定須蓋棺

藝籍燭祖龍斯文就淪喪帝矜黔首愚諸雋一作出相望揚馬操宏綱韓柳激頽浪建安妙謳吟風槩亦超放玉繩帶華月艷艷青冥上奕世希未光經緯得無妄兒曹獨何事詆斥幾覆醬原心良自誣猥欲私所尚螳螂拒飛轍清衛填溟漲吐吐徒爾為滄海固無恙鷓鷯日彫滅黃口紛冗長投袂睇層霄茲懷誰與亮

寄題傅欽之草堂

河陽有狀流經營太行根盛德不終晦發為清濟源斯堂濟源上太行正當門仰視浮雲作俯窺流水聿修行帶藩籬百禽鳴

朝暾相望有盤谷李愿故居存主人國之老寔惟商巖孫班行
昔供奉亟進逆耳言天子色為動羣公敬亦吞蕭條冰霜際不
改白玉温出處士所重其微難具論公勿思草堂朝廷待公尊

次韻邢敦夫秋懷四首

渤海有巨鼇其顛冠嵯峨宿昔常小抃八絃相盪摩忽遭龍伯
入一舉空潮波取皮煎作膠清此崑崙河
地置初螫手壯士斷其腕豈不悲毀傷所卹枉軀幹西崧沙鹵
地置戍或煩漢雞肋不足云阿瞞妙思算
匠氏構明堂百木入斤斧儻非豫章材冗長亦焉取英英范與
蘇器識兼文武胡為先一州不用作霖雨
憬彼高句麗耒修荒貢職天都富如海勞汝送涓滴舳艫尾相
銜遠近困供億止沸當道薪揚湯百無益

同子瞻端午日遊諸寺賦得淡字

太史抱孤韻暢懷枉登臨別乘慙鄒枚佳辰事幽尋參差水石
瘦窅窅房櫳淡請磬發疎箔妙香橫素襟復登窳堵坡環回矚
嗽峯雙溪貫城郭暝色帶孤禽涼飈動爽籟薄雨生微陰塵想
澹清漣牢愁洗芳斟揮篋訂往古援毫示來今悔無刻燭敏續
此金玉音

寄陳季常

一鉤五十搯始具任公釣揭竿趨灌瀆與爾不同調先生本西
蜀俠氣見英妙哀憐世間兒細點似黃鷄侍童雙擢玉鬢髮光
可照駿馬錦障泥相隨窮海嶠平生携手好十七登廊廟小生
相吏即徒枉尺書召暮年更折節學佛得心要鬻馬放阿樊幅
巾對沈燎冷冷屋外泉兀兀原頭燒欲知山中樂萬古同一笑

雷陽書事 三首

駱越風俗殊有疾皆勿藥束帶趨祀房瞽史平紛若絃歌薦繭
栗奴主洽觴酌呻吟殊未央更把雞骨灼
一笛一腰鼓鳴散甚悲涼借問此何為居人朝送殤出郭披莽
蒼磨刀向猪猶羊何須作佳事鬼去百無殃
舊傳日南麗野女出成群此去尚應遠東門已如雲蚩氓託絲
布相就通慇懃可憐秋胡子不遇卓文君

海康書事 十首

白髮坐鉤黨南遷瀕海州灌園以餬口身自雜蒼頭離落秋暑
中碧花蔓牽牛誰知把鋤人舊日東陵侯
荔子無幾何黃相遽如許遷臣不惜月恣意移寒暑層巢俯雲
水信美非吾土黃芳自有時鴨鵝何關汝

卜居近流水小巢依嶽岑終日數椽間但聳鳥遺音鑪香入幽
夢海月明孤斟鷓鴣一枝足所恨非故林
培塿無松栢駕言出焉遊讀書與意會却掃可忘憂尺蠖以時
屈其信亦非求得歸良不惡未歸且淹留

粵女市無常所至輒成區一日三四遷處處售鰕魚青裙脚不
襪臭味猿與狙孰云風土惡白州生綠珠

海康臘已酉不論冬孟仲殺牛搗祭鼓城郭為沸動雖非堯歷
頌自我先人用大笑荆楚人嘉平獵雲夢

粲粲菴摩勒作湯美無有上客賦驪駒玉奩開素手那知蒼梧
野棄置同芻狗荆山玉抵鵲此事絲來久
喬土桑柘稀蠶戶不紡績吳綃與魯縞取具網船客一朝南風
發家室相咻迫半賈鬻我藏倍稱還君息

一雨復一暘蒼茫颶風發怒號兼晝夜山海為顛蹶云何大塊噫乃爾不可遏黎明衆竅虛白日麗空濶合浦古珠池一熟胎如山試問池邊蜨云今累年閒豈無明月珍轉徙溟渤間何關二千石時至自當還

右雷陽書事三首海康書事十首曹能始陳仲醇諸君皆以其詩入東坡集中近日坊刻詩鈔則將雷州三首互見東坡淮海二集而海康十首則專屬少游俾覽者莫適為主焯按宋史兩公遷謫日月又考東坡年譜此十三首皆秦作非蘓詩也蓋蘓公於紹聖丁丑從惠州安置昌化其弟子由亦謫雷州是年五月十一日公遇子由於藤因同行至雷六月十一日公別子由渡海屈指在雷未嘗一月淹也且其時公方病痔呻吟何暇詳究雷陽風俗而書之况灌園餬口鷓鷯一枝皆屬久居之事乎少游從橫州徙雷州終哲宗之世至徽宗改元始得放還宜乎其屬詠之多也

幽眠

幽眠起常晚冬晷復不長中間數十刻倏如鷲燕翔晨餐粗云畢申鼓鳴相望忽忽竟何就念之動中腸天地一逆旅死生猶轉商暫來旋云去遲速乃所常較計亦何補徒然費慨慷不如聽兩行一際付酒觴北風吹老槐白日轉紙牕布衾一覺睡身世成渺茫宿莽冬不哀蘭茝幽更芳無庸傷局促速此鬢髮霜

隕星石

蕭然古丘上有石傳隕星胡為霄漢間墜地成此精雖有堅白姿塊然誰汝靈犬眠牛礪角終日蒙羶腥疇昔同列者到今司賞刑森然事芒角次第羅空青俛仰一氣中萬化無常經安知

風雲會不復歸青冥

山陽阻澁

一日行一尺十日行一丈豈不歎淹留所幸無波浪悲風動澁
夜原野眇森爽青天行蟾蜍枯水轉魍魎此時蓬茅下去心劇
於瘡棄置勿復論通塞如反掌

送洪景之循州參軍

寒梅不自重輒花桃李先矯枉有佳菊最後衆芳妍各因一時
美難以相嗤憐物理固若是士林亦宜然夫子南國俊聲猷推
妙年數竒晚方偶參軍古龍川龍川雖云遠風物號清鮮羅浮
不相下頡頏巉荒天雲鬢二三子聊足奉周旋行矣試老拳歸
歟遠翔騫

茶

茶實嘉木英其香乃天育芳不愧杜蘅清堪揜椒菊上客集堂
寮圓月探奩盞玉鼎注漫流金碾響杖竹侵尋發美鬯猗旒生
乳粟經時不銷歇衣袂帶絲郁幸蒙巾笥藏苦厭龍蘭續願君
斥異類使我全芳馥

擬孟郊

曉風有暴信暮蟬無好聲曉風與暮蟬自與時節爭獨客辭故
鄉推車謁梁城梁城道迢迢區區役吾生不如歸舊山藜藿安
性情

陳令舉妙奴詩

西湖水滑多嬌媵妙奴十二正芬芳肌膚皙白髮脚長舍語未
發先有香溪上夜燕侍簪裳皎如華月墮滄浪音散入雲能斷
腸不許北客辭酒漿主人藹藹邦之良少年射策謁未央俊詞

偉氣森開張玉杓貫斗生怒芒天欲文采老更昌故使歛翮窺
羣翔五十僅補尚書郎浩歌騎牛倚徜徉東風戲雨花草狂二
溪泱泱青黛光妙奴勿倦侑羽觴主人正欲遊醉鄉

和王通叟琵琶夢

鷓鴣鳴時衆芳歇草堂夢斷音容絕風驚玉露不成圓一夜芙
蕖泣秋月金紋捍面紫檀槽曾把花前送酒舫庾郎江令費珠
璧小砑紅牋揮兔毫風流雲散令人瘦忍看麴塵昏錦綬楚水
悠悠更不西上天破鑑空依舊

輦下春晴

樓閣過朝雨參差動霽光衣冠紛禁路雲氣繞宮牆亂絮迷春
濶薦花困日長經旬牽酒伴猶未獻長揚

睡起

睡起東軒下悠悠春緒長爬搔失幽轉款久墮危芳蛛網留晴
絮蜂房受晚香欲尋初斷夢雲霧已冥茫

對淮南詔獄

淮海行搖落文書亦罷休風霜欺獨宿燈火伴冥搜笳動朱樓
曉參橫粉堞秋更拚飛鏡破應得大刀頭

次韻答米元章

嗜好清無滓周旋粲有文揮毫春在手岸幘海生雲花鳥空撩
我萼鱸正屬君惟應讀雌蜺差不愧王筠

宿參寥房

鄉國秋行暮房櫳日已暝驚風多犯竹破月不藏星鉤箔簷風
動抄書燭燼零非闕相見喜自是眼長青

次韻傳道自適兼呈都司芸叟學士

楚國陳夫子周南久滯留
獎袍披槁紫瘦馬兀扁舟
藥餌過三伏文書散百憂
何人共禪悅居士有浮休

謝李安上惠茶

故人蚤歲佩飛霞故遣長鬚致茗芽
寒素遽收諸品玉午甌初試一團花
著書懶復追鴻漸辨水時能效易牙
從此道山春困少黃書剩枝兩三家

題閩求仁虛樂亭

長官平昔嗜林丘僧與開亭待勝遊
修竹回環扶碧瓦小池方折轉清流
春深鷓鴣催詩句夜靜蟾蜍入釣舟
只恐政成留不得縣人空此憶常遊

流觴亭次韻

臥龍西畔北池頭水擘華堂瑟瑟流
幾曲漪漣盤翠帶一峰孤聳落蒼虬
香囊近午清無汗素扇生涼爽入秋
待喚畫師未貌取圖成便是竹溪遊

別程公闢給事

人物風流推鎮東夕郎持節作元戎
樽前倦客劉師命月下清歌盛小叢
表敵黑貂霜正急書傳黃犬歲將窮
買舟江上辭公去回首蓬萊夢寐通

遊龍門山次程公韻

路轉橫塘入亂峰遍尋瀟灑興無窮
樓臺特起喧卑外村落隨生指點中
溪傍五雲清逗玉松分八面翠成宮
歸途父老欣相語今日程公昔謝公

遊龍瑞宮次韻

靈祠真館闕山隈形勢相高對越臺
莓徑翠依屏上轉藕花紅

繞鑑中開鶴銜寶箭排煙去龍護金書帶雨來夾道萬星攢騎
火滿城爭看使君回

酬朱李二君見寄二首

東阡北陌坐淹時偶為高風振羽儀十丈蓮花開處遠三年楮
葉刻成遲鬢毛但速安仁老錢粟難輸曼倩飢尚賴故人遙省
憶發揮春色有新詩

萬古流空一鳥沈衣冠常苦事違心七行俱不知君舊四者難
并笑我今梅已偷春成國色雲猶憑臘造天陰美人綠綺煩遙
贈莫致南金增永吟

寄題倪敦復北軒

倪郎才韻照冰壺北向開軒頗自娛蒼度蕙風鳴鵠鵲壁經梅
雨畫蟻踰旣籌文錯銀河挂文史縱橫角簟鋪官舍私居同是

漫莫嗟三經就荒無

次韻子由題摘星亭迷樓舊址

崑崙左右兩招堤中起孤高雉堞西不見燒香成宿霧虛傳裁
錦作障泥螢流苑飛星亂蕪滿春城綠髮齊長憶凭欄欄風雨
後斷虹明處海天低

遊鑑湖

畫舫珠簾出繞牆天風吹到芰荷鄉水光入座杯盤瑩花氣侵
人笑語香翡翠側身窺綠酒蜻蜒偷眼避紅妝葡萄力緩單衣
怯始信湖中五月涼

春日寓直有懷參寥

觚稜金爵自岿峩藏室春深更寂寥捫蝨幽花散露葉岸中高
柳轉風條文書几上鬚髯變鞍馬塵中歲月銷何日一筇江海

上與君徐步看生潮

顯之禪老許用草菴見處詩以約之

椽葉岡頭釋馬銜區中竒觀得窮探崖空飛鼠散相應江靜羣
峰影倒涵居士碧雲裁秀句道人哀玉扣清談偶成二老風流
事不是三乘宿草菴

和孫莘老遊龍洞

葦蕭傳火度冥冥乍入清都醉魄醒草隱月崖垂鳳尾風生陰
穴帶龍腥壁間泉貯千鍾碧門外天橫數尺青更欲仗筇留頃
刻却疑朝市已干齡

西城宴集元祐七年三月上巳詔賜館閣官花酒以中澣

日遊金明池瓊林院又會於慶國夫人園會者二十有

六人二首

春溜泱泱初滿池晨光欲轉萬年枝樓臺四望烟雲合簾幕千
家錦繡垂風過忽聳花外笑日長時奏水中嬉太平誰謂全無
象寓狂羣仙把酒時

宜秋門外喜參尋豪竹哀絲發妙音金爵日邊棲壯麗彩虹天
際臥清溪已煩逸少書陳迹更屬相如賦上林猶恨真人足官
府不如魚鳥自飛沈

寄題趙侯澄碧軒

風流公子四難并更引清漪作小亭潤及玉階春漲雨光浮藻
井夜涵星捲簾几硯成圖畫倚檻鬚眉又鏡屏何日解衣容借
榻卧聽螭口瀉泠泠

贈劉使君景文

落落衣冠八尺雄魚符新賜大河東穰苴兵法由司馬曹植詩

原出國風拈筆古心生篆刻引觴俠風上雲空石渠病客君應
笑手校黃書兩鬢蓬

劉遜文示以寧齋詩二軸次韻還之

揚舫偶過海邊州一見名郎破百憂荀民諸龍俱俊偉河東小
鳳最風流明珠白璧堪投報細草幽花入獻酬別駕舊齋何足
念文昌新府待公遊

次韻宋履中近謁大慶退食館中

翠華初到殿中間三館諸儒共一班迎謁曉廷清蹕近退穿春
仗絲綃閒病來怕飲東西玉老去慚陪大小山知續春明退朝
錄借觀當奉一鴟還

會蓬萊閣

冠裳列坐灑清風軒外時聳韻擇龍人面春生紅玉液銀盤烟
覆紫駝峰天涵秋色山山共樹攬鄉思葉葉重正欲買船江北
去為懷明德更從容

秋興擬杜牧之

鼓鼙夜戰北牕風霜葉鋪堦疊亂紅一段新愁驚枕上幾散悲
雁落雲中眼前時節看馳馬日下生涯寄斷蓬弟妹別來勞夢
寐杳無消息過江東

秋興擬白樂天

不因霜葉辭林去的當山翁未覺秋北里酒錢煩屢索南州詩
債懶頻酬欲歌金縷羞紅粉擬插黃花避白頭底事登臨好時
節等閒收拾許多愁

中秋口號

雲山蒼楯接低空公宴初開氣鬱蔥照海旌籊秋色裏激天鼓

宋詩集 卷之二十五
吹月明中香槽夜滴珠千顆歌扇鷲圍玉一叢二十四橋人望
處台星正拄廣寒宮

還自湯泉十四韻

歲晚倦城郭聯驂度葉莪天黃雲脚亂村黑鳥翎訛潦水侵生
路晴天落漫坡澄江練不卷溫井鑑新磨漁火分星遠沙鷗散
點多霸祠題玉筋龍窟受金波琬琰存吳事兒童記楚歌孤龕
瘦居士雙塔老頭陀飛鼠鳴深穴胡蜂結巧窠晚叅團白足昏
梵禮青螺雲馭沈荒甃仙春沒淺莎杖藜從莫逆談笑入無何
淡蕩日連霧蕭騷風轉阿華清俄夢斷回首失煙蘿

寧浦書事

揮汗讀書不已人皆怪我何求我豈更求聳達日長聊以消憂
泗洲東城晚望

渺渺孤城白水環舳艫人語夕霏間林梢一抹青如畫應是淮
流轉處山

春日

金屋舊題煩乙子蜜脾新採賴蜂臣蜻蛚蝶無情思隨例顛
忙過一春

秋日二首

霜落邗溝積水清寒星無數傍船明菰蒲深處疑無地忽有人
家笑語散

月團新碾瀹花甕飲罷呼兒課楚詞風定小軒無落葉青蟲相
對吐秋絲

春日偶題呈錢尚書

三年京國鬢如絲又見新花發故枝日典春衣非為酒家貧食

粥已多時

蚤春

黃金穀穀滿垂楊尚有春寒到畫堂酒力漸銷歌扇怯入簾飛雪帶梅香

無題

掃地燒香閉閣眠簾紋如水帳如煙客來夢覺知何處挂起西牕浪接天

金山晚眺

西津江口月初弦水氣昏昏上接天清渚白沙茫不辨只應燈火是漁船

處州閒題

清酒一杯甜似蜜美人雙鬢黑如鴉莫誇春色欺秋色未信桃

花勝菊花

口號

美酒忘憂之物流光過隙之駒不稱人心十事常居八九得開口笑一月亦無二三莫思身外無窮且賭尊前見狂功名富貴何異楚人之弓城郭人民問取遼東之鶴付與香鈿畫鼓盡歡美景良辰欲奏長謠聊陳短韻

平原居士今無影鸚鵡空洲誰舉杯猶有漁陽過鼓狂為君醉後作輕雷

司馬槩

字才仲陝州夏臺人用蘓軾薦應制舉中等為錢塘幕官

洛春謠

洛陽碧水揚春風銅駝陌上桃花紅高樓疊柳綠相向綃帳金

鸞香霧濃龍表公子五陵客拳毛赤兔雙蹄白金鈎寶玦逐飛
 香醉入花叢惱花魄青娥皓齒別吳倡梅粉妝成半額黃羅屏
 繡幙圍寒玉帳裏吹笙學鳳凰細綠圍紅曉烟涇車馬駢駢雲
 櫛櫛瓊藥杯淡琥珀濃鴛鴦枕鏤珊瑚澁吹龍笛歌白紵蘭席
 淋漓日將暮君不見灞陵岸上楊柳枝青青送別傷南浦

妾薄命

二月東風吹不惡後園桃李先春落高堂去婦對花愁君恩非
 輕妾命薄憶昔三星光在天煌煌車馬朱門前結褵幸得事君
 子願託絲羅千百年履痕纔遍君家地相看已覺君心異門外
 新歡一破顏室中舊愛雙垂淚妾心比玉自堅貞君眼如星到
 處明女子睽離泰山重丈夫棄置鴻毛輕莫誇綠髮紅顏好女
 色由来不長保君不見灞上鑿輿被襖同阿嬌已向長門老

豐稷

字相之明州鄞人登第為穀城令以廉明稱使高麗海舟
 遇風幾覆衆惶擾莫知所為稷神色自若神宗召對問卿
 昔遭海風何以不畏對曰仗陛下威靈何畏之有帝悅擢
 監察御史徙著作佐郎吏部員外郎提點利州成都路刑
 獄入為殿中侍御史遷右司諫抗言宗王僭侈官承奉
 皆宜糾正改國子司業歷祭酒除刑部侍郎兼侍讀出知
 潁州江寧府之徽宗立召為左議大夫首劾蔡京姦狀
 京遂去翰林時官漸盛稷論之值轉工部尚書布遂相稷
 曾布將拜相稷約同僚共論之值轉工部尚書布遂相稷
 謝表有佞臣之語帝問為誰對曰曾布也改禮部帝待之
 厚欲大用而積忤貴近終不得留竟用密直守越蔡京得
 政修舊怨貶海州團練副使安置清敏
 卒年七十五建炎中追復學士謚清敏

荷花

桃杏二三月此花泥滓中人心正畏暑水面獨搖風淨剎如金
 湧嘉賓照幕紅誰歌采菱曲舟在晚霞東

鄭獬

存素堂

進士毅夫安陸人少負俊才詞章豪偉峭整流輩不敢望舉
 制誥英宗即位治永昭山陵悉用乾興制言以辨言國用空
 失帝嘉納之出知荆南還判三舍人院遂拜翰林學士權發
 東門命草三制賜雙燭送歸舍人院
 遣開封府以不用新法為王安石所惡出知杭
 州徙責州引疾乞提舉鴻慶宮卒年五十一

採鳧茨

朝攜一筐出暮攜一筐歸十指欲流血且急眼前饑官倉豈無
 粟粒藏珠璣一粒不出倉倉中羣鼠肥

明皇

四海不搖草九重蔽禍根十年傲堯舜一笑破乾坤猿狄皆冠
 冕材狼盡子孫潼關兵已破會憶老臣言

蠡口絕句

千重越甲夜城圍戰罷君王醉不知若論破吳功第一黃金印

合鑄西施

朱長文

字伯原吳郡人著書閱古名動京師元祐中召為太學博士遷祕書正字曾著琴史有文集三百卷別號樂圃

詠齊偶書呈子通無隱

夙志在蕭閒獲此遯幽跡喬林無冬春蒼藹異晨夕旁窺疑好
 峰府瞰驚峭壁浩然溪山興盡在陶潛宅杖藜行水邊萍際湛
 空碧良魚不輕游弱魚猶自惜吟髭不禁霜曉鏡見蚤白古人
 已淡歎信是林園客遣累假禪鋒陶情任詩格寄散招友人來
 看亭前栢

東隱者

不愛紛華愛寂寥松風竹月共蕭蕭因隨野鶴過三徑每對江
 鷗洗一瓢無復塵埃沾短褐尚思烟水泛歸橈道人可與義之

友飛錫重来莫待招

鈔本



